

እጅ-ትመዕ ሰብ አሰሁም መአሰሰት ተአሚናት ልትሰርገል

መአሰሰት ተአሚናት ኤረትሮፕ፡ የም 2 ጁን 14ይ ርቱብ እጅ-ትመዕ ሰነት ወካልአይ ፍንቱይ እጅ-ትማዕ ሰብ አሰሁም ዲብ ሆቴል አሰመረ ፓላስ ወዴት።

ርኢስ ልጅነት ሰብ አሰሁም መአሰሰት ተአሚናት ኤረትሮፕ አሰይድ ግርማይ ገብሬመስቀል ዲብለ አሰምዐየ ከሊመት፡ ንዙም እጅ-ትመዕ ዓም ክም ለትወቀለት ጅሀት እዳረትለ መአሰሰት፡ ምን ሰነት 2004 ክል-ሰነት ዲብ ልትጀመሩ፡ ዲብ ልትቀደም አጃንዳት- ዋድሕ፡ እብ እንትባህ፡ ወፈዛዐት እንዴ ተሀደገ እቱ ቀራራት ለሐልፍ ክም ጸንሐ እንዴ ሐበረ፡ እሊ እጅ-ትመዕ እሊ ምን ቀደሙ ለዐለ እጅ-ትምዓት ለፈንትዩ፡ ካልአይ ፍንቱይ እጅ-ትመዕ ሰብ አሰሁም ለከምክም ሰበት ገብአ ክምቱ ኦብረሀ።

መመቅረሓይ ሸቅል መአሰሰት ተአሚናት ኤረትሮፕ አሰይድ ዘርኡ ወልዴሚካኤል እብ ጀሀቱ፡ ዲብ ዐድነ እት ሰነት 2017፡ 43.4 ሚልዮን ነቅፈ ለልትዋገም ተአሚን ብቀት እግለ ሶም አፍራድ ወአመአሰሰት ከም ሳደፈ እሊ ህዬ ምን ናይ ሰነት 2016 እብ 25% ክም ነቅሰ ኦብረሀ።

አሰይድ ዘርኡ እንዴ አትሉ፡ መአሰሰት ተአሚናት ኤረትሮፕ፡ ዲብ ሰነት 2017 ምን ዓም ዝቤ ከደማት ተአሚን፡ 91.8 ሚልዮን ነቅፈ መክሰብ ክም ረክበት፡ ምን እሊ እት ሰብ አሰሁም እግል ልትካፈል እብ ገበይለ ልጅነት ይሙም ክም ሀለ ሸርሐ።

ሙሽተርከት፡ ዲብ ተቃሪር ለጅነት፡ ወራታት መአሰሰት ተአሚናት ኤረትሮፕ ናይ ሰነት 2017 ሕሳብ ክፍለ መክሰብ፡



ዲብ 13ይ ርቱብ እጅ-ትመዕ ለትረፍዐ ንቃዋ ወዲብ መጽእ ወክድ እግል ልግበእ ለትኤተነ ጋራት ሀድገው።

እት መናሰበት፡ መአሰሰት ተአሚናት ኤረትሮፕ፡ ምን የም 4 ዩንዮ እንዴ አንበተት ተውዝዕ



ፈዋቲር ሰብ አሰሁም እግል ትሰርግል ክምቱ አትአመረት። እት ሰነት 1992 ለተአሰሰት መአሰሰት ተአሚናት ኤረትሮፕ፡ 2,200 ኤረትሮፕ ሰብ አሰሁም ከም ቤ እብ ተውሳክ ህዬ ሕክመት ወሰንዱቅ ምዓሽ

ዓይላት ሹሀደ አሰሁም ክም ሶም ዲብ ልትአመር፡ ዲብ ክል ሰነት እት ገብእ ሰብ አሰሁም ለሻርኮ እቱ ተቅዩም ሸቅል፡ ክፍለ መክሰብ ኦርኮ እበ መልኩ አሰሁም ትገብእ።

ሳው፡ መዳሊት እግል መሀረጃን ሸባብ

ሳምናይ መሀረጃን ሸባብ “ሻብ ቅወት ዐቦት” እት ሐንቴለ ትብል ሰቅራት ምን የም 13 አሰክ 15 ጁላይ እት ሳው እግል ልግበእ ክምቱ፡ መሕበር ወጠን ሸባባት ወደረሰ ኤርትሮፕ ሐበረ።

ምሰል መድሐራት 31ይት ደውረት ክድመት ወጠን እንዴ ትመቃረሐ ለገብእ መሀረጃን፡ ተርኪዙ አግደ እት ሰናዐት ወፍጥር ሸባብ፡ መሕበር እት

ሐልፈየ 40 ሰነት እት መትነዛም ውበንየት ሻብ ለአግደዩ ዶር፡ ክምሰልሁመ ዶር ሸባባት እት ብናእ ወአምጸኡት ሕርየት፡ አድመኖት ሰያደት ውበናእ ወጠን እት ገብእ፡ ወራታት ዓዳት፡ ርያደት፡ በራምጅ ሰሚናራት፡ ዕፌ ፍጥር ወሰናዐት፡ ህድግ ሕበር፡ ክምሰልሁመ እግል ብዕዳም ሸባን አሳሰ ለወደ ጽበዋ ክም ሸምል ለረከብናህ ሐብሬ ተአፍህም።

እምበል እሊመ፡ እት ለትፈናተ መጃላት ዶር ለአውፈው ሸባብ ፈዳብያም እግሎም ለትትሆብ ጃእዘት “ሶይረ” ወጃእዘት ፍጥር ወሰናዐት ክምሰልሁመ እት ሻርጅ ናይ ካልአይት ደረጃት ድራሰቶም አካዲምየት እብ በቃዐት ለአትመመው ለትትሆብ ጃእዘት “ሳው” እግል ልትሆብ እቱ ቱ።

እትሊ እብ ሰዳይት መሕበር ወጠን ሸባብ ወደረሰ ኤረትሮፕ

ወመርከዝ ተእሂል ቅዋት ድፊዕ ኤርትሮፕ እት ክል-ክልኤ ሰነት ለልትነዝም በርናምጅ፡ የም ዓመት ምን ቀበት-ዐድ እብ ዓመት 20 አልፍ መዋዋን፡ ክምሰልሁመ ምን ሻርጅ ለመጸው 1,500 ሸባብ እግል ልሻርኮ እቱ ክምቱ ተአመረ።

መመቅረሓይ ልጃን 8ይ መሀረጃን ሸባብ ኤረትሮፕ አሰይድ ርቤል ከበዴ እግል ኤሪነ

እት ሀበየ ሐብሬ፡ መሀረጃን እብ ዓመት፡ ምሰል ዓዳት፡ ሰዋልፍነ ወተእረክነ ዐላቀት ትርድት ክም ተሀሌ እነ ለወዴ፡ ክምሰልሁመ እግል ልትወሰቅ ወልትወረሰ ለሰዴ መናሰባት ክምቱ እት ሸርሕ፡ መሀረጃን ሸባብ ለትፈናተ ኸልፍየት ለሶም ሸባብ እት ሐቱ ሐረት እንዴ ትራክበው ተጃርብ ምን ሕድ እግል ልንሰኦ አርደት ለለአጠፊሕ ክምቱ አፍሀመ።

ዐንሰብ፡ ምሰኩናት ምሕርቦት ሰልፈት ረክበ

ማሕበር ምሰኩናት ምሕርቦት ሐርብ ኤረትሮፕ ፈሬዕ አቅሊም ዐንሰብ፡ እግል 30 ምሰኩናት ምሕርባት ሐርብ፡ 450 አልፍ ነቅፈ ርብሕ ለኢልደፋዕ ምን ሰልፈት ሀበ።

ዲብ የም 30 ማዮ ዲብ መዲነት ከረን እት ገብአ ሰለሞት፡ መሰኡለ ፈሬዕ አሰይድ ዳዊት ገብረክሰርቶስ እግል ኤሪነ እት ሀበየ ሐብሬ፡

ለበርናምጅ አተላላይ ናይለ ማሕበር መቅደረት እቅትሳድ አንፋሩ እግል ለአደቅብ ምን ወክድ እት ወክድ ወድዩ ለጸንሐ በርናምጅ ክምቱ እንዴ ሐበረ፡ እሊ እብለን አንሳት እንቡት ለሀለ በራምጅ ሰልፈት እት አቅሊም እግል ህለው ምሰኩናት ሐርብ እግል ልብጸሕ እግል ልትከደም ክምቱ ሸርሐ።



ለእግል ክል ምነን 15 አልፍ ነቅፈ ለትሆብ ርብሕ ለኢልትደፋዕ ምን ሰልፈት፡ ምሰኩናት፡ ርሐም እግል ልቅደር፡ ወናይ ተድቢር ለመድ እግል ልሰበቅ እቶም ከም ሰዴ እንዴ ሐበረ አሰይድ ዳዊት፡ ሰርገለን እንዴ ትረአ ምን ወክድ እት ወክድ ለቅያስ እግል ሊዚድ ከም ቀድር ኦብረሀ።

ሙዲር ዓም ፈርዕ ሰያሐት አቅሊም ዐንሰብ ወንፈር ማሕበር ምሰኩናት ሐርብ ምሕርቦት አሰይድ ሳልም ዐሊ ሳልም እብ ጀሀቱ፡ ለበክት ለረክበየ አንፋር ማሕበር መናበረተን እንዴ አዋፍሐየ ምስተቅበለን እግል ለአድምን እግል ልክደመ አትፋቀደ።

ማሕበር ምሰኩናት ሐርብ ምሕርቦት ኤረትሮፕ ፈሬዕ አቅሊም ዐንሰብ ክልኤ አልፍ ነፈር ቡ።

መዝረት፡ ዐቦት ከደማት ተዕሊም ትትረኤ

እት እዳረት ደዋይሕ መዝረት ምዴርየት ሀበሮ ገብእ ለጸንሐ ጅሀድ፡ ዕልብ መሻረከት አዋልድ አንሳት እት ተዕሊም ለዐቤ ክምሰል ህለ ትሸረሐ።

ሙዲር መድረሰት አወላይት ወምግባይት ደረጃት መዝረት ኡስታዝ ዐብደለ ሓምድ እግል ኤሪነ እት ሀበየ ሐብሬ፡ መሻረከት አዋልድ አንሳት እት መኡንብታይት ደረጃት 49%፡ እት ምግባይት ደረጃት ህዬ 57% ባጽሕ ክምሰል ህለ እት ሸራሕ፡ እለ ለተኡትናይት ፍገራት ደማነት እግል ተሀሌ እለ ለጅሀድ እግል ለአተላሌ ትፋነ።

ዶር ዋልዴን እት ስጅልት ለህሌት ዐቦት ለሐመደ ኡስታዝ ዐብደለ፡ ለፍገራት ተአምርተ፡ ናይለ ሳብቅ ለህለ ፈሀም ወፈዛዐት ክምቱ ወደሐ።

እት ምህር እግል ዐባዩመ፡ ደዓም እት አርበዕ መርከዝ ሐድ 120 አዋልድ አንሳት ምን አወላይ አሰክ ሳልሳይ ሰነት ድራሰትን ክም ታብዐየ፡ እትለ ሰነት እለ ህዬ ምሰል መትክምክም ሸዐብ ለመሻረከት ክም ዜደት ሐበረ።

ኢመትክምክም ደገጊት ወሪም መዳርስ ለአግደ መሻክል ክምቱ እት ለሐብር ህዬ፡ ምን ትመጽእ ሰነት ምን ድራሰት ለተርፈው ዓማርም እግል ድራሰት ለአክለ አጀኒት እግል ኢህሉ፡ ሕፍዝ እንዴ ገኡ፡ እት ተዕሊም እግል ሊጊሶ፡ ምሰል እዳረት፡ ልጃን ዋልዴን፡ ሰብ-ገጽ ውበዕዳም ሰብ-ሸርከት እት መፋሀመት ብጽሕት ክም ህሌት አፍሀመ።

መሰኡል እዳረት ደዋይሕ መዝረት አሰይድ መሐመድ ፈረጅ መሐመድ እብ ተረቱ፡ ሕክመት ለዐለ እሎም መሓግዝ እግል ተአርሄ ትብንዮ እሎም ለህሌት መድረሰት ዘበናይት እት ዐቦት መሻረከት ዶር ዐቢ ክም ተአገዴ ሰእየቱ ሸርሐ።

እት ሰነት 2001 ለትበኔት መድረሰት አወላይት ወምግባይት ደረጃት መዝረት፡ እትሊ ወክድ እሊ ዝያድ 200 ደረሳይ/ት ህለው እሊ።

ኤሪትራጅን ሰካን ካርጅ ዒድ



ዲብ ለትፈናታ መዳይን አሚርኩ፤ ጀርመን ወግብለታይ አፍሪቀ፤ ለኑብሮ መዋጥኒን አምዕል ሕርየት ዐዶም “ርእየት እብ ክድመት” እበ ትብል ሰቅራት ዐየደው።

ሰካን ፊላደልፊያን ወረው-ዮርክ እብ ክል ጀሀቶም፤ ዲብ ነዘመው፤ ዋልዲን እብ አጀኒቶም ለሻረከው እቱ ዒድ፤ እብ ጅንሰቶም ከም ልትሐብኖ ለሸርሐው እቱ ዲብ

ጉብእ፤ ዲብ ግድለ ሽዑብ ኤሪትራጅ ለትጠውረ ሰዋልፍ ወሸረፍ አጀኒቶም እግል ለአውራሳ ለቦም ቱ መትሐሳር ለወድሕ ዐለ።

እት ቺካጎ ዲብ ጉብኣት ዓደት፤ ሙሽተርከት እግል አምጽኦት ሕርየት ወአድመኖት ሰያደት ለትደፍዐ ዐውል ቃሊ እንዴ ዘክረው፤ አማነት ሹሀደ እብ ሸቅል ሰቡል እግል ለአምሞ መዳላዮም

አከደው።

እት መዳይን ፍሬዝኖ፤ ሻይሰልያ ወሃንፈርድ - ካሊፎርኒያ ለህለው መዋጥኒን፤ ዲብ ወደው እሕትፋል፤ መዋመጦር ገማለቱ፤ ሸባባት ዲብ አካዳሚ ወምህናት እንዴ ረከዘው እግል ልሸቀው ለለትናይት በርናምጃት ለከምክም ከምዐለ ለበጽሐተነ ሐብሬ አፍሀመት።

ሕድ እበ ሹብህ፤ ዲብ ሰያትል

ሕርየቶም ለዐይዶ

ለጉብኣ ዒድ፤ ለመዋጥኒን እብ ጅንሰቶም ወዓዳቶም ከም ሸኒኦ፤ እግል ሕፍዘቱ ህዩ እብ መትሐሳር ከድሞ ከም ህለው ለለአርኤ ዲብ ጉብኣ ምን መስኡሊን ዋሽንግቶን ዲሲ ወሲያትል መትዐጃብ ከም ረከብው።

እሊ ክእነ ዲብ እንቱ ኤሪትራጅን ሰካን ፍራንክፈርት - ጀርመን፤ ብዙሓም ዋልዲን ሸባባት ወአጀኒት ዲብ ሐድረወ ዓደት፤ ለትፈናታ በራምጅ እንዴ አዳልው፤ ለአምዕል እብ ነያረት ዐየደው።

መመቅረሓይ እሸቅል ሰፋረት ኤሪትራጅ ዲብ ጀርመን አሰይድ ዮውሃንስ ወልዱ ዲብ አሰምዐዩ ከሊመት፤ ሕርየት ገለድነ እግል አትመሞት አማነት ሹሀደ ለነሐድሰ እት መናሰበት ከምተ እንዴ ሸርሐ፤ ሙሽተርከት ውሕደቶም እንዴ አደቀበው መሻረከቶም ዲብ በራምጅ ወጠን እግል ለዓቡ አትፋቀደ።

ሰካን መዲነት ጊሰን እብ ጀሀቶም፤ ምን ፍቲ ወጠኖም እንዴ ትብገሰው ዲብ ሐቱ ሐረት እንዴ ትጀምዐው፤ አምዕል

ሕርየት ዐዶም አጀኒቶም ዓዳቶም ወጅንሰቶም እበ ለአወርሰ አግቡይ ዐየደው።

ሕድ እበ ሹብህ፤ ጃልየት ኤሪትራጅን ሰካን ሸቱትጋርት ወድዋረ፤ ሸባባት፤ አጀኒት መሳኒት ኤሪትራጅ ውላድ ካርጅ ለሻረከው እቱ በራምጅ እንዴ ነዘመው፤ ለትፈናታ ዕፌ ዓዳት ወፈን እንዴ አዳልው ለአምዕል ዐየደው።

እብ ጀሀት ብዕደት፤ ዲብ ጆሃንስ በርግ- ግብለት አፍሪቀ፤ ሉሳካ - ዛምብያ፤ ሀራሬ-ዚምባብዌ ለኑብሮ ኤሪትራጅን እብ ጀሀቶም፤ 24 ማዮ እብ ነያረት ከም ዐየደው ምን አካን ለበጽሐተነ ሐብሬ አፍሀመት።

ሰፊር ኤሪትራጅ ዲብ ግብለት አፍሪቀ ወድወል ግብለታይ አፍሪቀ አሰይድ ሳልሕ ዑመር ዲብለ አሰምዐዩ ከሊመት፤ ናይ ዮም ዓመት ዒድ ሕርየት፤ እብ ካድም ለትሐቀት ርእየት ደውለት ጥውርት ለአትፋቅድ ከምቱ እንዴ ሸርሐ፤ እብ መትዛም ወውሕደት እብ ሸቅል ሰቡል መዳላዮም እግል ለአግዱ ከም ወጅብ አትፋቀደ።

በቃዐት ንዛም ተዕሊም ዝያድ ዐቦት ለአርኤ ከም ህለ ትሸረሐ

ለትሳወ መትመዳድ ተዕሊም እንዴ ተአከደ፤ መዋጥኒን መትነፍዐት አሳሲ ወምት ወኬን ከደማት ተዕሊም እግል ልግብኣ ለትረከቡት ዐውቱ፤ በቃዐት ንዛም ተዕሊም ዝያድ እግል ትደቀብ ወእግል ረሸቱ እብ መትሐሳር ልትከደም ከም ህለ ትሸርሐ።

ዲብ ውዛረት ተዕሊም ሙዲር ድራሰት ወሐብሬ አሰይድ ሀይሉ አሰፍሀ እግል ኤሪን እት ሀበዩ ሐብሬ፤ ሕኩመት ኤሪትራጅ፤ ተዕሊም ዓም አሳሲ ዲብ ዐማር ከም ቱ ሰበት ተአምን፤ ምን ሰዱድ ቴለል ግድለ ሰላሕ እንዴ አንበተት፤ እትሊ ወክድ እሊ ትወድዮ እበ ጸንሐት ክሰኣት ረአሰማል፤ እት ሐልፈዩ ሰኖታት እስትቅላል ሰኒ ከም አሳደረ አብርሀ።

አሰይድ ሀይሉ እንዴ አትሉ፤ ብዝሒ ከዳማት ረውዳት ለለሀይብ መአሰሳት እብ ዝያድ 700%፤ ናይ አወላይት ደረጃት 222%፤ ናይ ምግብያት እብ 470%፤



ናይ ካልኣይት ደረጃት ህዩ እብ ዝያድ 330 ምእታይት ምን ዐበዩ፤ ትአምርተ ናይ እሊ ሄራር እሊ ከም ቱ አፍሀመ።

መአሰሳት ተዕሊም እብ ብዝሒ

በኒ፤ ዲብ ክሉ አካናት ዐድነ እብ ዓመት ዲብ ምን ከደማት እጅትማዕየት ሕሩም ለዐለ ህዩ እብ ፍንቲት ከም ለህሌ እንዴ ጉብኦ፤ መሻረከት ዲብ ዐግሎ ተዕሊም፤ እግል ቲዚድ ለአመመ ከምቱ እንዴ ሐበረ አሰይድ ሀይሉ፤ ከም ፍገራቱ ብዝሒ መሻረከት ደረሰ ምን 213 አልፍ ዲብ ዝያድ 636 ከም ዜደት ወድሐ።

መዋመጦርለ ልትህዩብ ተዕሊም ንዘም፤ ከም ከም ፊራሮ ዐባይ ሰኖታት ብዙሕ ለጊሰ በርናምጅ አብደዮት ቅዌት፤ ከም ህለ እንዴ ሐበረ፤ እሊ ቅያስ ቅዌት ለአብደው መዋጥኒን ዐድነ ዲብ ሐድ 80% እግል ልብጽሐ ዶር ዐቢ ለቀደመ ከምቱ ሐበረ።

ደረጃቱ ወበቃዐቱ ለዐቅብ ከደማት ተዕሊም አከደት፤ መቅደረት ሙደርሲን እብ ብዝሒ

ውትዕየት ዓበዮት፤ መትመዳድ ከደማት ረውዳት እት ክሉ እግል ልብጽሕ፤ እዳረት መዳርሰ አደቀቦት፤ ዳፍያት ድንሰ ቅዌት፤ ብንዶት ትሕትየት ብቅዕት ከም ተህሌ

ወዲ፤ ለአግደ ተሐዳይት ከምቱ እንዴ ሐበረ አሰይድ ሀይሉ፤ እሊ መርሐለት እብ መርሐለት ሐል እግል ልርኩብ ውዛረት ትክድም ከም ህሌት ሸርሐ።

ጋሽ-በርክ /ባጼዕ ተእሂል ሸባብ ልትህዩብ

ፈርዕ ውዛረት ተዕሊም አቅሊም ጋሽ-በርክ ክልኣት ወርሕ አግቡይ አትመቃርሐት ወምሰሉ ለገይሰ ምህናት ለአደርሶም ለጸንሐ 107 ሸባብ ሸቃለ ሕኩመት ዲብ ዮም 30 ማዮ ትደሐረው።

ዲብ ፈርዕ መስኡል ውሕደት ብሐሰ ወጠወርት መቅደረት አዳም አሰይድ ሐይልኣብ ሃብታይ፤ ለተእሂል መቅደረት ምህነት ሸቃለ እግል ትዕቤ፤ አፍረዮት ወፈዓልየት በራምጅ ሸቅል እግል ትደቀብ ወክደማት ሳፊ ወሻፍግ አከደት ከምቱ ሸርሐ።

መስኡል ፈርዕ እስታዝ መሐመድ ዐሊ እብራሂም እብ ጀሀቱ፤ ዲብለ ትፈናታ መጃላት ለሸቁ ሸቃለ በቃዐት ለለዓቡ እብ ተእሂል ነዘሞት አሳሲ ከምቱ እንዴ ሐበረ፤ ዲብ መጽእ ወክድ ሕድ ለመስል በራምጃት ከም

ልሰርገል ሐበረ።

ሙዲር ዓም ከደማት እጅትማዕየት አቅሊም ጋሽ-በርክ አሰይድ ፍራንኮ ኩባብ ህዩ፤ ለተእሂል ዲብ አምዕላይ ወራታት ለደርሰው ወናይለ መጽእ ወክድ መናበረቶም ዶር ከም ቡ እንዴ ሐበረ፤ ለከሰበወ አምር እብ ፍዕል እግል ልሸቀው እብ አትፋቀደ።

እሊ ክእነ ዲብ እንቱ፤ ዲብ መዲነት ባጼዕ ዲብለ ትፈናታ አውካድ ናይ ሰል-ሰለሰ ወርሕ ተእሂል ነሲጅ፤ ክያጠት ወአሸቃል ብሰር እዴ ለደርሰዩ ዝያድ 550 አንሳት ትደሐረዩ።

ለደርሰዩ ዲብ ሀበያሁ ረአይ፤ ለከሰበያሁ ምህናት ዲብ አምዕላይት መናበረተን ሰዳይት ከም ቀድም እንዴ ሐበረዩ፤ እብ ሸቅል እግል ልጠውራሁ መዳላዮን እንዴ አከደዩ አርደት ሸቅል እግል ትጥፋሕ እግለን ትፋኑዩ።



ኤሪትራጅን ሰካን

ክል አርቡዕ ለትጠ'በዕ ጀሪደት

መዳልያይ።

መሐመድ እድረሰ መሐመድ

ናይብ መዳልያይ።

ኣድም ሳልሕ (አቡሐሪሽ)

ለይ-አውት።

ፋጥና ኣደም

ዘህረ ዐሊ

ተለፎን። 121797

ፋክስ። 127749። ዕ.ሲ.ቡ። 247

ተውዝዕ ጀሪደት።

ተለፎን። 200454

ኢትኦመሮት።

ተለፎን። 125013። ዕ.ሲ.ቡ። 1284

ናይ ሰልፍ ምደርስ

መዲነት ለከሰሰ ብዙሕ አምር ኢዐለ እግልዬ። ምነ እስታዝ ዱሼን “አስክ መዲነት እግል ቲጊሲቱ” ለቤሌኒተ ምዕል ላኪን፣ ዐን መዲነት ብዙሕ እግል ሕሰብ አንበት። ፈጅራተ እት ጅወ ፈሰል እት አነ፣ እብ ዐን መዲነት ብዙሕ ሕሰብኩ ወብዙሕ ፈረህ። እተ ፈሰልን እብ ዐን መዲነት ለልአምር ዎሮ ደረሳይመ ኢዐለ። ምስል መን እዳግም ወናይ ጅዋዬ አተናፍሰ ቀዌ። እብ ልብዬ፡ “ደሐን ሰብ መዲነት እለ ቤለው ምን ልብሉኒ፣ ወእለ ወደው ምን ወዱኒ፣ ለመንበረቶም ተሐይሰኒ። ዕጩይ ትፈረሪ ምን ልብሉኒ እትፈረር እሎም፣ ማይመ ምን ልብሉኒ እመርድ እሎም። በስ ምስሎም ሐይሰኒ።” እት እብል እት በሐር ኖሼ ታውቀት እት አነ፣ እገር አፍሩሰ እት ለሀራብዋ ምን በሐርዬ ነፈዜኒ። ለአፍሩሰ ሰኒ ሕፋናም ሰበት ዐለው፣ ፈሰልን ኢልረጋርን እትነ ፈረህ። ሚ ጀራ ዐለ እግል ንድሌ፣ ክልነ ደረሰ እብ ብጣራትነ እንዴ ገእነ ትሻብ። ዱሼን “ትክ ደው የሀው፣ ትገሰው ክታበትኩም አተላሉ” ቤሌን። እተ ዶል ለሀ ለባብ እብ ሐለት እንዴ ትደረክ ምስለ ብነ ገርደም እንዴ ቤለ ትከሰተ። ሰልፍ ለመአበይ ዐመቼ ምስለ ጭሩሙዋ ገጸ አብሀዘ። ዱሼን አስክ እንዴ ቀርቦ፣ “ሚ አምጸአተኪ?” ቤለየ። ህተ “እግልክ ለከሰሰ ኢኮን። ወለቼ እግል አትሀድየ ሰበት ሐዜኮ፣ እግል እንሰኦ ማጸት ህሌኮ።” አስክዬ እንዴ ተሀፍት “እንቲ ከልበት ንዒ ፍገሪ” ክም ቴለኒ። ዱሼን እት ፍንጌዬ ወፍንጌህ እንዴ አተ፣ “ግል ዐመቼ እንዴ ከርዐ “እንሰር ዕምር ድራሰት ለበን አግሩዝ ድኢኮን። ዕምር ህዳይ ለበጽሐየ አለብን” ቤለየ። ዐመቼ “ደሐን እሊ ሀገጊትክ እግል ነኦርኤክ ምኑቱ” ቤለቱ። ኑፍሸት ወሓርቀት እት እንተ፣ እተ ሰበ አፍሩሰ እንዴ ትወለበት፣ “አጊድኩም እግል እለ ዕንክር እት ተርትሮ አፍጉረ” ቤለቶም። ለሰብ ምነ አፍሩሶም አክሹሾም እት ወታውቶ፣ ብርትልብብርትልብ ወደው። በዐለ ባርኔጠት እናሰ ቀደም እለ እት ቤትነ ርእየቱ አነ። ሰልሴቶም አስክ ዱሼን ቀርበው። ለገዝፈ ምኖም እብ ክሹ እት አንፍ ዱሼን እንዴ ቀርቦ፣ “እንተ ዐባቅ፡ ከልብ፣ ሓግል መንቱ ፊርዳይ መስተቅበል አጀኒትነ ለወዳክ?” እት ልብል አፋደደ እቱ። እስታዝ ዱሼን እግል ባብ እንዴ ሐጠጠ፣ “እለ መድረሰት ሰበት ተ፣ እብ ሐለትኩም እንዴ ደረኩም እግል ትእተው ኢልትአጀዝ እኩምኒ።” ቤለቶም። ለእናሰ ለገዚፍ ህዬ “ይኢቤለኩም! እምበል መሓጋይ እግል እለ ወለትነ ላምደ ህለ”

ዱሼን

ኬትባይ፡ቺንግዝ አይቶማቶሽ (ሩሲ)

ቤለቶም። እንዴ አትለ እት ቀብብ፡ “አነ እግል እለ መድረሰትክ ሓኽ እንዴ እቤ ጡፍ እብል እተ” እንዴ ቤለ፣ ሓኽ እንዴ ቤለ ግልዕሳይ ገዚፍ ቀደም ዱሼን ከረ። እት እዴ ገለቡ ለዐለ ክርባጅ ፈረሱ እት እዴ ማኑ እንዴ ቀየረዩ፣ ዱሼን እግል ልሻውዋ ወሰ ክም ቤለ፣ ዱሼን እንዴ በድረ፣ እዴሁ እንዴ ከበ፣ ሐቱ ትርድት ቡንየት እተ ድርጽ ኩብሀዩ። ለገዚፍ እናሰ ገዓራት እት ወዴ እት ምድር ትመደደ። ለክልኦት እናሰ እብ አክሹሾም እት ዱሼን ወድቀው። ክሎም ደረሰ እንዴ ፈርሀው፣ እት አጥራፍዬ ሀጅለው። ክልነ እንዴ ትጸበጥነ ህዬ እተ አካነትለ በኣሰ ሀጅልነ። አነ እት እበኬ ወእት እውዒ “እዬ ምን ተሐዘ፣ እዬ ንሰኣ። ምደርሰነ ሚ ወዴኩም ከትዛቡጡ ህሌኩም?” እት እብል ጥራራት ሀብኩ። ዱሼን ምን ሐንገሉ አድማይ እት ቀዋር፣ አሰክነ እንዴ ትወለበ “ክልኩም ህረቦ። አልቲናይ አጊድኩም ክልኩም ህረቦ” ቤሌን። እግልነ እት ልትሃጌ እብ ክሸ ማናይት እዴሁ ሰብረው ምኑ። ለትሰበረት እዴሁ እብ ድገለባይት እዴሁ እንዴ አተርገዝ ጸብጠ እት እንቱ፣ ምነ በኣሰ እግል ሊሪም ወነፍሱ እግል ለአድሕን፣ ገጽ ሐር ሐረጋረገ። ለክልኦት ነፈር አዜመ እንዴ ዐረው፣ መረዊሆም ካረው እቱ። መስኪን እስታዝ ዱሼን እምበል ቤድያይ ወሬድኣይ አረይ መረዊሆም ገብኣ። እዴ ማኑ ሰበት ሰበረት፣ ዛቡጡ እት ህለው ክም ግራብ ክሩይ እምበል ሐረከት ወከምት በዋረ እሎም።

ዐመቼ ወለገዚፍ እናሰ “ቦሉ፣ ከትኩቱ፣ አስክ መይት ኢትሕዶጉ፣ ጨፈጭፍ ደው” እት ልብሎ፣ እግልዬ እብ እደዬ እት አርድ እት ከርክሩኒ፣ አስክ ከደን ፈግረው እብዬ። መሳኒቼ ደረሰ ክሎም እት ዎሮ ርክን እንዴ ትጀመዐው ጨጭ እት ልብሎ በኩ ዐለው። ዱሼን እግል ልሳዕደኒ ሰበት ኢቀድረ፣ እተ ብነ እንዴ ተንከበ መወሪሁ ልትከበት ዐለ። ምነ ዋድቅ እተ ለዐለ አካነት እግል ልቅነጽ ክም ጀረቦ፣ እብ ሞረ ሐንገሉ ሰበት ሸወጠው፣ ምን ሐዲስ ዱብ እንዴ ቤለ እት ምድር ትመደደ። አነ “ዎ እስታጃ” እት እብል እት ምድር እንዴ አውደቀውኒ እብ ሐብል አሰረውኒ። እግል ይእውዒ እት አፋዬ ደላጊን እንዴ ላወሸው እዬ፣ እተ ረኣሰ ኮር ለክፈውኒ። ለእናሰ ለገዚፍ ብት እንዴ ወደ እት ግራዬ ትጸባ። እበ ገዚፍ ገርቡ ወእደዩ ሰበት ጨቅጤኒ ወሐጠጤን ኩስ እግል ኢበል ኢቀደርኩ። ለብዕዳምመ ምን ዱሼን ክም ዳለው፣ እት አፍሩሶም ትጸባነው። ዐመቼ አሰረ

ፈረሰ እት ሸፍግ፣ እት ዛብጠኒ ወትቀዋጭበኒ “ለአሰሩ ኒን ትብሊ ዐልኪ ምደርሰኪ ገድም አክረቱ እለ ገብኣት፣ ከልበት፣ ግረ እለ መሳሰዓይ አሰርኪ አለቡ ዲብን” እት ትብል ከይከይ ወዴ ዐለት። አነ እብ ልብዬ “እስታጃ ዱሼን እንሻለ አክረቱ ኢትገብእ!” እንዴ እቤ እት ሐሰብ “አልቲናይ” ለትብል እብ ሐሩቀት ወቀሀር ለፈገረት ዘዐት ሰምዐኩ። ለዐለት እዬ ሐለት ክለ እንዴ ጀመዕኩ፣ እደይለ እናሰ እንዴ ፈርቀምኩ፣ ሰጋጃ ገጽ ግረ አትወለብኩው። ዱሼን ምነ ምውዳቁ እንዴ ቀንጸ፣ ሚዛኑ “ግል ልዕቀብ እት ልትጋደል፣ አዜመ “አልቲናይ” እት ልብል ሰዕኩሁ። ገኖብቱ ክለ አድማይ እንዴ ትጣለሰት፣ እበ ገለበይት እዴሁ እበናይ ገናድ ራፍዕ እት እንቱ ርኤኩው። መሳኒቼ ክሎም እት ልትባከው ወልትዋዐው፣ ሃጅላም እቱ እንቶም ባኩ ርኤኩሆም። ዱሼን አዜመ ክርንቱ እንዴ ወቀለ “እንቱም ባድያም አክላብ፣ አልቲናይ አየ ትነሰእው ህሌኩም? ሕደጎ ክረወ ምነ ፈረሰ” ልብል ዐለ።

ለክልኦት ዛቡጡ ለዐለው ምን አፍሩሶም እንዴ ትከረው፣ እብ አክሹሾም አሰኩ ትወጀሀው። ዱሼን ከፈትለ ሰብር እዴ ማኑ እብ አንያቡ እንዴ ነክሸ፣ እበ እዴ ገለቡ ገናዲት እበነት ወርወረ እቶም። ደኣም ለእበነት እት ልኡክ ኢበጽሐት። አሩህ ትከሬት ምኖም። ካልኣይት እበነት እግል ልርፋዕ ክም ደነ፣ እተ አካነት እብ መረዊ አሰከበው። ቀደም ናይ ደንጎበ መትበጋሰነ ዱሼን እብ አድማይ ሕጹብ እት እንቱ፣ እት አርድ እንዴ ትመደደ፣ ክሎም ደረሳሁ ሃጅላም እቱ ዲብ እንቶም ወምነ ናይ በዲር እበ ለትወቀለት እት በኩ፣ ወሰርም እግል ልሀሩሱ እት ልትጋደሎ ርኤኩሆም።

አስክ አየ ነሰኡኒ ህለው፣ ወእበዩ እንገይሰ ዐልነ፣ በታተን አምር ኢዐልኩ። ክሉ ለፍክርዬ እብ አከይ ሓላት ሰበት ትመለኣ፣ ፈዋን ኢዐለ እዬ። ዕንታቼ እግለ እት ደንጎበ ለረኣያህ ሰራረት መስኪን እስታዝ ዱሼን እብ አድማዬ ሌጠ ለአርእያኒ ሰበት ዐለየ፣ እት ድዋርዬ ሚህለ፣ ወእተየ እከይድ ህሌኮ፣ በታተን እርኤ ኢዐልኩ። እት መክለሲ እት ቀደም እለ ርእየቱ ለኢኣነ እብ ዘሪበት ለትከለለ ከንደግ አተው እብዬ። አክል አዩ ክም ሰኩብኮ ይእደሌ። ክም ሐሶሴኮ ጨወርሕ ከዋክብ እበ መፋርቀ ንቅረት ርኤኮ። አክራናት ሰብ ንዋይ ወሰፈላል ለክልቅ ጀርጀር ለልብል አክራናት ለዘሬ ማይ ልትሰመዕ ዐለ። እት እሸሕግ ምነ ሀንደግ ገጽ በረ፣ እተ ዘሪበት ፈገርኩ። ሐቱ ሕያይት ለትመሰል፣ ገጸ

ተርጀመት፣ ጀዕፈር ሳልሕ

ሰኒ ለትጨራመጠ ወለጸልመ፣ ድግለሊት እት ጀፈር አታፍእ ግሲት ርኤኩው። አከይ መንበረት ወአከይ ሓለት ሰኒ እድሙዓተ፣ ቀርቦት ገጸ ፈሕመት እንዴ ትበደለት፣ ኩሉ አከይ መንበረተ ልትቀረእ እተ። ሐረከት ምን ኢትወዴ፣ እብ ዎሮ ፈናን ምን ከላት ለትሸቁት ሰነምተ ወእቤለ። “አነ እብ ግንሐት ቀትል ምን ለዐሌ!” እንዴ እቤ ተምኒኮ፣ እተ አካነተ ወደርገግኩው።

ለእንዴ ዐጸኒ ለመጸ እብዬ ገዚፍ እናሰ “እንቲ ገደብ ባዘይት፣ ቅነጺ እግለ ወለት ሀሪሰ፣ ኢሰምዐተኪ ምን ገብእ ግረ እለ እብ ዘያታት መፋሀመት አለብዬ ምስለ፣ እብ ሞረትቱ መትፋሃምነ። ቅነጺ ሀሪሰ ብርጋህ!” እት ልብል ሀደደየ።

ህተ አስክዬ እንዴ ቀርቦት እበ ቀራቢት እዴህ፣ ከይከይ እት ወዴ፣ እብ ገሚሰዬ ሰሕበተኒ። ለእናሰ ምነ ዘሪቦት ክም ፈግረ ህዬ፣ እንዴ ሐድገተኒ አቅበለት። ወእተ በዲር ለዐለት እተ አካነት እንዴ ትገሴት፣ እሳተ ሰሕነት። ዕንታተ እት ሐቱ አካነት ሌጠ እንዴ ሸርብተን፣ እምበል ኩስ ትገሴት። እምበል ማይተት ርሕ ለብእተ በሸር መስል ኢዐለት።

አክላብለ ቤትመ ክመ ድግለሊትቶም መስሎ ለዐለው። ለእናሰ እት ዛብጦም ወሃርሾም ሰበት ረበዮም፣ ጅሩሙጣም ወለኢነብሐቶም ለዐለው። ለገብኣ እተ ጅዋለ ዘሪቦት ለነብር መክሉቅ ሰእየት ለበትከ፣ ወሐያቱ ካርህ እት እንቱ ልትርኤ። ሓለተ ድግለሊት ወአክላበ ክም ርኤኮ፣ እብ መስተቅበልዬ ሰኒ ግጽ። አርድ እንዴ ጨበ እቼ ሰእየት ጸበርኩ። አክራናተ ጀርጅር ማይ ዘረ ምን ይእሰምዕ፣ እት ምን ለዐል ምድር ህሌኮመ ወይእቤ። እብ ልብዬ “ዐመቼ ምስለ ክፋኣ አፍካርኪ እትለ ዘሬ ለህሌት እምብዕዩ ወእተ ልትክዔ ለህለ ላጽሕ ደም ዱሼን እንዴ ትሸመምኪ ምን መይቲ ከፎ ሰኒ ዐለ” እቤ።

ለላሊ ለሀ ለገዚፍ እናሰ አፋዬ እንዴ ደብኣ ቃጨፈኒ። ወለት 15 ሰነት ዐልኩ። ለለኣትዐጅብ ህዬ ለነእሸት ወለተ ገዚፍ እናሰ ምንዩ ተዐቤ ዐለት። እቼ ለጀሬት ትትከህል ኢዐለት። እተ ዶል ዐመቼ ‘ግል ቲሙት ተምኒኮ። አነ ወለት ሐህ እት አነ ከፎ እለ ረዴት እቼ እቤ። ሐር ክመ አመርኩው፣ አነ እት መድረሰት እት ህሌኮ፣ ለገዚፍ እናሰ እብ ረደ ዐመቼ ዐቅድ ክም አሰረ እቼ አመርኩ። እበ ናይ ሐዋን ለመሰል መዋዲቱ፣ ምነ ቀዳሚት ሰኒ አቤኩው።

እተ ቤት ለሀ 3 አምዔላት ክም ከለእኮ፣ እግል እህረብ ሰተትኩ። ሀረብ ቀለል ክም ኢገብእ ምንመ

አምር፣ ክም እስታጃ ዱሼን ለትትቀደረኒ እግል እወጥን እት ጎማት ኖሰ አቴኮ። እተ ላሊ ለሀ እብ መልሄታዬ እምበል ህሰ እት እሸሕግ፣ እት ባካትለ ባብ በጸሕኮ። ለባብ እግል እክሰት ሐድ ወብዙሕ ጀረብኩ። ምን ጅወ ወበረ እብ ሰለሰል ሉዱድ ሰበት ዐለ፣ ሐለቱ ክም አለብዬ አጊድ ተአመሬኒ። እተ ባካት ትሩድ ሐጺናይ ረከብኩ ምን ገብእ እንዴ እቤ፣ ሀተማተምኮ። ደኣም ባቅዕ ሐዲዳይ እግል እርኩብ ኢቀደርኩ። እዴዬ እበ ሐንቱለ ባብ ክም ሓለፍኮ ላኪን፣ ክርሚዳይ ረከብኩ። እተ ዶልዬ ሐንቱለ ባብ እንዴ ሐፈርኩ፣ እቡ እግል እምለጭ ሰተትኮ። ለሸቅል እተ ታርፋት ለዐለየ ሳያታትለ ላሊ ለሀ ክም ኢተምም ምንመ አምር፣ “ሕጅት ምስለ ገዓራት ለመሰል ሕንረር ወለኢለአትካርም ሰዓላት ለቡ ከንዚር እነብር፣ ጀላብ ንእሽነቼ እት እትጋደል ምን እመይት ሐይሰኒ፣ ሰበት ቤልኮ ሌጣቱ ለሸቅል አምበትኩው። ምን ክሉ ህዬ እግል እኪት ሓለት መንበረት፣ “ቅስመትተ” እንዴ ትቤ ርክዐት፣ ድድ ናይለ ለእፈትዩ እስታጃ ዱሼን ለአድረሴኒተ “ግድለ እምበል መትሐላል” ለትብል ሰቅራትተ ለዐለት።

አነ ጸመሩ አነ። ጸመር ለትብል ፍክረት ምን በዲርዬ አብዩ ለዐልኮ ዘዐትተ። “ክልኤ እሲት እግል ዎሮ እናሰ እንዴ ቤለ ፍክረት ለአምጸኦ መንቱ? ወእት አየ ዘመን ነብር ለዐላቱ?” እንዴ እቤ እብ ሐሩቀት እት ሀልወሰት ትካሬኮ። እብ ልብዬ ህዬ “ክልክን ለእብለ መክረህት ሓለት ጸመር ለአባሌክን ቅነጸ። ክርንክን ኣሰምዐ። እምበል እንሳንየት ወረሕመት ሐቅክን ለትከለእክን ወእሰትሸሃድ ሳምት ለደፈዕክን ቅነጸ። ለሓለፍክንህ ጸላም መንበረት እንዴ ትዘከርክን እዲን ክም ተአንቀዋቅዋ ውደየ። እትላኬክን ህሌኮ አነ ክምሰልክን መዝሉመት አነ። እንሻለ እሊ ዝልምዬ ደንጎበ ዝልም አንሳት ገብእ” እቤ። ለስታቼ አስክ ሞት ነደኣኒ ሰበት ዐለ፣ ግረ እለ እግል እለ ሓለት እለ እግል እትዘከራቱ ወእግል እዳግም እባቱ እብልመ ኢዐልኩ። ክለ ለላሊ እበ ለረከብክው ክርሚዳይ እት ሐፍር ከልኣክው። ለአርድ እብ መከይድ አዳም ወንዋይ እግል ሰኒን ለትደግደገ ሰበት ዐለ፣ ሰኒ ጸንዐ እቼ። አጫብዕዬ አድማይ ቲፍ እት ወዴ፣ ምድር እት ሐራፍጭ ጨቤላት አፈግር ዐልኩ። እት እነበዕ ወአጫብዕዬ አድማይ እት ለአፈግር፣ ግረ ብዙሕ ግድለ፣ ድሙ ለትሓልፍ ምክሳት ወዴኮ። ለአርድ ቅሩብ ጽብሐት ሰበት በጽሐ፣ አደመታት እግል ልትሐረክ ወአክላብ ‘ግል ልንበሕ አምበተ። አፍሩሰ እት ሐልፍ ወበልዕ እት ልትናህቅ ልትሰመዕ ዐለ።

ትተላሌ ...



ንዓል ጂስ ወጠን ወዐሶት ኖሰ

ገቢል ልፍዘዕ፡ ልትዝም
ወልትዐንደቅ ለልብል ሙብደእ
ጀብህት ሸዕብዮት ሕርየት
ወእስትቅላል አሸፈገ ሌጠ እንዳ
ኢጉብእ ፈሀም ወሐያት ብዝሓት
ቀየረ። እምነ ዐቤት ኣድም በርካይ
ሐቲ ምነ መሰል ናይ እሊ ተቅዩር
ዲብ ተጠውርተ እግል ኒበል
እንቀድር። ህተ፡ ዮም እት ነቅፈ
ድግድግ ትነብር ሀሌት። በዲራመ
ምን እሊ ባካት ብዙሕ እንዳ
ኢተአረይምተ ሕርየት ለመጽሐት።
ምነ ጀሃዝ ዓፍየት ጀብህት
ሸዕብዮት ተሕራር ኤረትርየ ምህነት
ዓፍየት ወእብ ፍንቲይ አውለዶት
እንዳ ዐለሙተን እት ክድመት
ሸዑብ ለትክሰኣየ እማት ተ።
ምሐርበይት እምነ ዐቤት አስክ
አዜመ እብ ሐያት እጅትማዕየት
ለሳድፈ መጋዴዕ ለኢክርዐያተ ምነ
ክድመት ህኪት ኢኮን።

ዲብ እዳረት ሽዑብ ዲብ መሕበር ወጠን አዋልድ አንሳት ወጀብህት ሽዕብየት እግል ዲሞቅራሞየት ወዐዳለት እብ ነከር ፊዩሕ ከድመት ወአስክ አዜመ ትከድም ሀሌት። ለቀዳሚት እግል ትናቀድ ከምሰል እለ ሓድረት እግል ትውሰፊ ዶል ትሰአልናህ ለቀዳሚት እት ዐውቱ ወሰርገል ለኡበጸሐተናተ፡ ልብነ አር፡ እዲነ ሐቱ፡ ዕንነ ምር ሀደፍ ትገኙሕ ምን ዐለትቱ። ሕነ ለእማት ሀዩ ምንለ ፍራሰ ውላድነ ሙናድሊን እንዴ ይእንተርፍ ደለ ህቶም አተወ ዲበ ዲብ ነኦቱ ወእበ ቅድረትናተ ሴፊ ወመሰተይ ዲብ እንገብእ እሎም፡ አልሐምድለ ዲብ ዐውቱ በጽሐነ ትብል።

እምነት ዐቤት ሻመ ምስል ተዕሊም ኢበሌ። በዲር ሰውረት እተ ዐዶም ለመጽእሳተ ሐበት ምን ሕሩፍ ተአምር ለይዐለት፤ እብ ጅህድ ሙናድኢን ወጀማሂር ላኪን እት ሐን ዕጨይ ወአብዓት ዲብ ትትዐለም ቅዌት እንዴ አብዴት ሓምሳይ ፈስል ባጽሐት ዐለት። ዲቡ ሀዬ ኢበጥረት ለድራሰት

አክል ሕድ ትገደሰ ምን ኢጉበአት ሳብዓይ ፈሰል ዲቡ ሓልፈት ሀሌት። “አሰክ አዜ እብ አማን ትደርሲ ሀሌኪ?” ዶል እንቤል፡ ከሚ ልግበእ አክል ሕድ ሚዶል ትገደሶ ገብአት ሰነት ሐቲ ድራሰ ልብሉ ናይ አብደዮት ቅዌት፡ ሰነት ሓሪት ሀይ በልሹ፡ ደዓም ወደዓም ለሀ አሰርሕድ ሰኒ ደረሰናሆን፡ አዜ ዮም ዓመት ሀይ በዋረት ምንኢን፡ ላኪን ይእንበዋር ምን አክለ ትረከበትክ እንደርሰ ትብል። አዜመ ለቀልበ እት ድራሰት ናቅሰ ኢሀለ። እሊ ክሉ ሰኒን እንዴ እምበል ትግራይት ብዕድ ሚ ደረሰኪ ለልብል ሰኣል ክም መጽአየ ምን ውላድጃ ለደረሰ አሰክ እንግሊዝመ ምን ሁቶም ልትሃገወ እንዴ ሰምዐት እብል። እትለ መደት እለ ዲብ አፌት መድረሰት ዊን ድኬናይ ሀለ እይ ናይ ዘንክ፡ ምስለ ውላድጃ ለደረሰ ዲብ እትሃጀክ ብዙሕ እትዐለም ምኖም ትቤ። ለዕልም ለምኖም እረክቡ ዲብ ፈሰል እንዴ ትገሌኮ ይእረክቡ ዲብ ትብል



መቅሬታ ምስል ነጻይሽ እግል
መንፈሰክ አክል አዩ ክም ለሐድሰ
ተአበርህ።

እምነ ዐቤት ዲብ ክሉ ለሽዑብ ከድም መትካም ለሻረከት ዲብ ትገብእ፡ ምህነት ፍንቲት ሆይ ብእተ። ምነ እብ ለመድ ለአወልደ ለዐለየ እምልዳት ነብረት፡ ወእለ ምህነተ

እለ እብ ሰልም እግል ትግብየ ቅሰም
 ዓፍየት ጀብህት ሽዕብየት ምስል
 ብዕዳት መልሂት ውላደት እብ
 ገበይ ሰልምየት፡ መራዐየት ዐምሳት
 ወጅነ ዐልቀት ለኸሰሰ ሰልም
 እንዴ ተሆብት እሞልድ ዳርሰት
 ገብአት። መቅደረት ምስል ወቅት
 ለትገይሰ ጀላብ እግል ትግበእ ሆይ
 ብዙሕ አውካድ ደውራት ምሆር
 ዲቡ ሹርክትተ። እተ ሰልፍ ሰለሰ
 ወሬሕ ክም ዐለመውነ እሊት
 አልፍ ሀበውነ ወመትሻቀዩነ ክም
 ሰማዐት፡ መገሴ፡ ንንቲ ወክለ እግል
 አውለደት ለትትሐዜ ሀበውነ
 ወዲብለ ሸቅል ትብገሰነ ሐቆለ
 ትቤ፡ ምኑ ወኬን እብ ሕኩመት
 ልግበእ ወሸዐብ ለትሆብን ክም
 አለቡ አከደት። እለን እሞልዳት
 እለን ሸዐብ እግል ልክደመ እብ
 ምራድ ኖሰን እግል አጅር ለሸቅየ
 ምን ገብአየ ምን ሸዐብ ለጠልባህ
 ደፍዕየት አለበን ወእብ ሕኩመት
 ለትትሆብን ማሆየትመ ኢህሌት።
 ምናተ ለሸዐብ ኖሱ ሚዛን ናይለ
 እለ ለሀይብ ክድመት ሰበት ለአምር

ለረከበዩ ሐድ ቅድረቱ ረቢ
ለሀብዩት ለሀይባን፣ ወለአለቡም
ሕሸመት ወሐምዴ ለአታልዮን።
ውዛረት ዓፍዮትም ክል ወሬሐ
ለነፍዐን ደውራት ተፅላም ዲብ
ተሀይብ ነወል ለትደብእ ደፍፅዩቲት
ልትሀዩበ። እሊመ እትሊ እያም
ቅሩብ እግል ተዐሬ እቡ ኢቀድረት፡



ወለተ ጽራይ እንዴ ሐድገት እለ ዳር አማነ ሰበት አቴት ውበአሳመ በዐል አከይኖሰ ምን ገብአ፡ መስኡልያት ቤት ጸብጠዩ ከክምለ እለ ተሐዜ እግረ እንዴ ትጠለቀት እለ እት ክሉ ነሻጣት እግል ትሻርክ ኢቀድረት።

እትለ መደት እለ እምነ በቤት ሽሃዳትቼ እት ሸንጠቼ ሰክብ ሀላ፡ አካን አነ ኢግሰክወ ኢሀሌት ባጼዕ፡ ከረን፡ ደቀምሐሬ፡ አፍባበት . . . አዜ ላኪን ዲብ ቤት አውለደት ምን ተርፈ ዐደድ እለ ንትነፈዕ እቡ ኢሀሌ፡፡ ለዐምሳት መራዐየት ዐመሲ ለወዱ እለ ሐካይም ሀለው፡ ወውልደት ክም መጽአት ዲብ ዕያደት እግል ቲጊሰ ሀለ እለ፡፡ መሰከበ ምን ሕክምን ረዩም ገአ ምንገብእ ሀዬ በዲረ ቀደም ወቅት ውልደት ዲብ ባክ ዕያደት እግል ትጽነሕ አብያት ጋብእ እለን ሀለ፡፡ ሐቲ ለሕነ እንወድዮ እት ሐኪም እግል ሊጊሰ አትናዮቶ፡ አዋልድ እግል ኢልትክሸበ ራቀቦት(አዜ ላቲ ምን ሀለዮቲ ሸክ ባትካት ምንመ ሕነ) አዳም ርሑ ኢለሐምድ ድኢኮን፡ ለትቀደረነ መራቀብት እንወዱ፡፡ ሐቆለ መሰኢልየት ራሬዕ ሀሌክ ዲብ ቀርየትክ ሌጠ ሚዶል ትበጥር፡ እት እለ ጊሰክ ተአቀምት፡ እብለ ገበይ ምን ሸቄነ እት እለ ነሐዜ እንበጸሕ ሀሌ፡ እት ትብል፡ ለምህነት ምስለ ሰበት ሀሌት ዕምረ 70ታት እግል ተአትምም ቅሩብ ምንመ ተሀሌ፡ ምዕል ለእለ ትትሐዘዩ ክም ትነፈዕ እበ ትሸራሕ፡፡

ለእለን ተአወልድ አንስ ክምለ
በዲር ዐለት ሐቆ ወልደየ ትሸፊጠን
መከፎ ትወዲ ዶል ትበሀለት፡-

እብ ክለ ሒሊ ኣበደን እግል
ቲበል ሐዘት፡ ከ”NO NO NO
... እንግሊዝም ሀሌት ቲ፡
ኣነ ክም ኣውሊድኸውን ኣነድፈን
ወእንነሐን ወሐበት ምን እኪት
ዲበ እዲዬ ይእከራ ትቤ።

ግራኪ ሸፈጡት ልብለ ኢልግበአ
እተ ልብለ ክም ደአል ልክፍ
ለአበልናሁ ዲበ ሰኣልመ የአምሸሽት
ምነ፦ ኢሸፍጠ! ኢሸፍጠ! እግልሚ
ኢሸፍጠ ለአንሰ ለአዋልድ
ለአነሸብ ዐለ ወሻፍጥ ዐለ እትለ
ቀርየትነ እንዛር ካሬ ናሰአቴ፦ የም
እጥልድ ኢኮን ለትወልድ እግል
ትሻፈጥ ለወለት እለ ኢለአነሸቤ
አላሁ ዓልም ድኢኮን ለወለት
ኢትክሸበት ኖሱ እግል ትትሀ፤

ቅሩብ ሀሌት ትቤ፡ ክሸቦ አዋልድ
ምን ተርፈ ዝያድ 10 ሰነት ዋዲ
ክም ሀለ እግል ተአክድ።

**ለድራሰት አክልሚ ክም ነፍዑት
ዲብ ትሸፊሕ ሀዩ እምነ ዐቤት፡**

ሰሜተነ እንክትቡቤ እት መካትብ ልግበእ ወመዳይን ዶል እንገይስ በደል ንትሰአል ያፍታት እንዴ ቀርአነ ኖሰነ እተ እለ ሐዘነ ነኡቱ ወቀረድነ ነአገዴ፤ እብ መንኬት ዲብ ትገይስ እተ አግቡይ ለሀለ እሻራት ወያፍታት አሰማይ ዐዶታት ልግበእ ውበዕል እንዴ ቀርአት እለ አነን ፍላገተ አው እለ ክእነ ትብል ሀሌት እንዴ እቤ አምር፡ ለእሉ ንትሰለፍ ወነኣትሰልፍ እንሰጅል፡ ለእለ ኣቱነ ወኣፍገርነ እንሰጅል፡ መክሰብነ ወከሳርነ ነአምር እብ ህግየ ሐጫር እት ናይ ክል ምዕል መንበረትነ እግል ንትነፈዕ እበ ቀደርኹ።

እምነ ዐቤት ለነኣይሽ ወርሶ
ወእት እግርላ ቀዳምያም ቀንጾ
ሀለው መኢፋሉ ዲብለ ልብል
ሰኣል እት ትበልሰ፡-

ንኡሽ ክልዶል ደጉፍ ለሐዘኔ፡
 አብሽር እግል ቲበሉ ለአትሐዘኔ።
 ዮም መንፈዐት ድራሰት ለኢለአምር
 ኢለሀሌ ክምለ ሕነ ሚ ትወዴ እነ
 እምብል እቱ ለዐልነ ዘበን ኢኮን።
 ምናተ ለአዘ ሀለ አብካት ወአምር
 መንፈዐት ድራሰት ክምለ ሕነ
 እንወድዮ ዐልነ ጅህድ ወዱ ሀለው
 እግል ኢበል ይእቀድር። እሊ ሀዩ
 ለመያተት ምነ ዋልዴን እግል
 ልግበእ ቀድር ወምነ ውላድ፡
 ደጉፍ ወአትናያት ለአትሐዘዮም
 ሀለ ለልብል ረአይ ብእተ።

እት ደንገበ ለነፍሰ እብ ኣርወሐተ ኣሰክ ሀሌት በዐለ እግል ለሀይነ ኣለቡ ለልብል ረኣይ ሀበት። እንዴ ኣትሌት እለ ርሕከ ኖሰከ ረፍዐካህ ምንገብእ ትረፈዕ፡ ለትሰረረተ ኣየ ሀሌከ እንዴ ቤለ ለለሀርሰከ ኣለቡ፡ ወሰከት። እግልሚ፡ ህተ ወለተ ምን ትረሐመት ውብእሰ ምን ኢተዓፈ ለመስኡልያተ ወለምህነተ እበ እለ ተሐኬ ደቅብ እግል ትትለዩ ኢቀድረት። ላኪን እቡሀ ምን ሸቅል እንዴ ትገሴት ነፍሰ የአውደቀት፡ እበ ሐለተ ትሰመሐ ትሸቁ ወትመሬሕ ሀሌት። እት ሕፍዛት ማይ ወትርበት፡ ዲብ ኬዋታት ሸዑብ ውብዕድ ወቀይ ምስለ እለን ትመሬሕ መጃሚዕ ትፈረር ውትወጅህ።



እምነት በቤት ምን ድማን ካልላይት



እድራሱን ደረሰ ወሽቃለ ጀላብ ሐቅ

ዲብሊ ካትብ ወላሕስ ተእሪክ ላቱ አለም-ሰገድ ተሰፋይ ለከትቦዩ ምን ፈደሬሽን አሰክ እስትዕማር ወሰውረት (1952 - 1962) እብ ልብል አርእስ ለከቦዩ እት ምዕራፍ 15 ለትከተብት አዋይን መቃወሙት ዲብ ኤረትርዮ በህለት “እድራብ ደረሰ ወሽቃለ” ለታይን ጽበጥ እግል ዮም 4ይ ክፈሊ፡

ፍንጌ ፖሊስ ወደረሰ ናይ አቅብሎ ኢነቀብል መትበላላስ እምበል ፍሬ አተላላ። ዳክልዩን ደረሰ ዘሪብት መድረሱት እትዮት ሰበት ትመነዐው፡ መዐደደለ መድረሱት ዲብሊ ህለ ብነ እንዴ ትጸገዐው፡ ትከብት እንዴ ነጻፈው እግል ልትመዋው ሐረው። ዋልዴን ወኢቃርብ ማይ እክል ወልባስ አምጸአው አሎም። ሰብ ሰልጠት ሕክሙት እግል ስክፊታሪ ሽኡን ዳክልዩት አርአዩ ዋሴ እንዴ ወሰክክ፡ እብ መፋህመት ወጨቅጥ እግል ልብሎሶም ምንመ ጀረበው ክሉ ረአሱ አጽበረዎም። ህዩም እብ ጀህቶም ልጁን እት ለሐሩ አሰክ ሚርሐት ሕክሙት አሰፈህ እንዴ በጽሐው፡ ጠርዝ ሙዲር ለሽምል ሰኣላት እብ ትሉሉይ አቅረበው። አሰልፍ አቅብሎ፡ ሐሬ ቀድዮትኩም እግል ንርኤ ሰበት ትበህለው ላኪን፡ ዲብ ውፋቅ እግል ልትበጸሕ ኢትቀደረ። ዲብሊ እተ ወክድ ለህይ አግደ ሒፍዛይ ቃኑን ለዐለ ክላረንስ ስሚዝመ ሕቁቅ ፈደራል ኤረትርዮ ትከዩደ ለትብል ሸክወት እንዴ ሐድረው አቅረበው። ህቱ ላኪን፡ ነኣይሽ እንቱም፡ የም ድራሰትኩም ደው ለትብል ምክር እንዴ ሀበ ሳረሐዮም። እብ ቃብል እሊ ምን ክል አካን ለትጀመዐው - ባካት መድረሰቶም፡ ዐዳገ ሐሙሴ ሱቅ ወቤት ገርጊስ እብ ፖሊስ ዲብ ልትነወው ዲብ መሻክል ትካረው።

ወቅት እብ ክእነ ዲብ ልትነተል ክምሰል ጌሴ ሕዳም ምነ ደረሰ፡ ሙበዘሐም ምኖም ዳክልዩን ውላድ ፖሊስ ወዐሳክር፡ እብ ጨቅጥ ዋልዴኖም ልግበእ ወእብ ናይ ኖሶም ሕርያን፡ ዲብ መድረሰቶም አቅበለው። እብ ሸፋግ ለሙድርቢን ዲብ ዐዳገ ሐሙስ እንዴ ትጀመዐው ሐቀለ ትፋህመው፡ እት ረአሰለ ድራሰት ለአተላለው ጀዘ ቀረረው። አምዕል ሐቱ ሳዐት ሰለስ አምሱይ ምን ዕዳገ ሐሙስ እንዴ ትበገሰው ትክ እንዴ ቤለው ዘሪብት ቀሃስ እንዴ አተው ህይ፡ እግለ እግል ልርትቦም ለቀድረው እብ እደዮም ወመረዊ ሐቀለ ዛበጠው፡ ምነ ዘሪብት እንዴ ፈግረው አሰክ አብያቶም ጌሰው። ቀድዮት ዲብ እሊ ክምሰል በጽሐት፡ ፖሊስ ኤረትርዮ እብ ሸደት ጸብጠዩ። እግለ ዝቡጣም እንዴ ትሰአለው ህይ፡ አሰማይ 12 ደረሳይ ረክበው ኩ እተ ምሴት ለህ ወፈጅራተ እንዴ አረው አሰረዎም።

ክምሰል ሚርሐት እድራብመ እንዴ ዐለበዎም ሸክወት አሰሰው እቶም። ለትዘበጠው እሎም ሌጠ ሰበት አሉለው ሰሚት ሚርሐት እድራብ ለጥአት እቶም። ናይ እሰሮ ምስዳር፡ እግለ ምደርቢን ሕኔት ለአብርዶም አው ለአፈረሆም ዝያደት ኤማኖም አዜይ። 7 ማዮ 1957፡ ሐድ ወሬሕ ወሰለስ ሳምን ሐቀለ አወላይት አምዕለ እድራብ፡ ምን ሐዲስ እንዴ ትጀመዐው፡ ትክ እንዴ ቤለው አሰክለ መልሂቶም ሕቡሳም እተ ለዐለው አካን እንዴ ጌሰው ምስሎም እግል ልትአሰሮ ጠልበው። ቃእድ ሐብሰ፡ ለአጅረወ ጀሪመት ሰበት ኢኮን፡ እግል ልእሰሮም ክምሰል ኢቀድር፡ እንዴ ትፈንጠረው አሰክ አብያቶም እግል ሊጊሶ ሐቀለ ገመዮም፡ ምን ሐዲስ ተአክበው። ለተሐዜት ጀሪመት እግል ትግበእ ሕሰብት ሐቅ ዐለት፡ እግል ለትአሰሮም ለቀድር ጀሪመት እግል ሊደው፡ እግለ ደርሰው እተ መድረሰት ቀሃስ እግል ልደምር እብ ሕበር ገመው።

ዲብሊ አያም ለህይ፡ ቀሃስ እንዴ ደበአት እብ ቅወት ፖሊስ ትትዐቀብ ዐለት። እብ እትፋቅ ለሐደ ክፋል ደረሰ እብ ሰኒተ ትክ እንዴ ቤለው ሐቀለ መጽአው፡ አሰክለ አግደ ባብ ሰዐው። ለህሌት ሐለት ዓቅቢት ህይ እሉ እግል ትክረዕ አሰክ ሰበት ተሐዩበት፡ ለዲብ ጸጸራት (ባካት እንደ ሚካኤል) ሕቡዕ ለዐለ ለበዝሐ ዕልብ ደረሰ እብ ሸፋግ ተሐት እት ልትጀርቡቱ እግለ ሐጨር ላቱ ሐጹርሊ ዘሪብት ቀሃስ እብ ቀሊል እንዴ ትሰረ ከርስ አተ።

ቅወት ፖሊስ ዲብሊ ዘሪብት እንዴ አቱት አሰክ ተአሳድር፡ ደረሰ አሰክ እሊ ለአምጸአዮም ዳይ እግዱያም ዐለው። ዲብ መንገአትለ አፍሱል ለዐለ ሰወር ሀይሌሰላሴ ከዩይድ እንዴ ወደው ሳበረው። መጅብ ለተርፈ ምኑ ይዐለ። ክሉ ሸባቢክ ናይለ ሮሻን ዐቢ ሀጪምጪመት እንዴ ጉብኦ ትደመረ።

ግሪ እሊ፡ ክሎም እንዴ ትከምከመው ትክ እንዴ ቤለው አሰክለ እተ ወክድ ለህይ ሻሬዕ ቀደማዊ ሀይለሰላሴ (ዮም ሻሬዕ ሕርዮት) ልትበህል ለህለ ትወጀሀው። ምኑ ጀህት ቅብለት እንዴ ትሎለበው ሱቅ እግል ልእተው ባካት ባር አርዮንተ ክምሰል በጽሐው ላኪን፡ ቅወት ፖሊስ ሰበት ፈንጠረቶም፡ አዜመ እንዴ ትጀመዐው ዲብ ዘሪብት መክተብ ቡሰጠት ኤረትርዮ ትጀመዐው። ዲብ ናይ ፖሊስ መካይን ዐባዩ እንዴ ትጸዕነው እግል ልትሐበሶ አሰክ ዐዲኳለ ልትነሰኦ እት ህለው፡ ጠለቦም ሰበት ተ'መ እሎም እምበል አሰፍ ዐለ። ሐድ 110 ደረሳይ እተ ምሴት ለህ ትነሰአው።

ክምሰል ናይ አጀኒት ረብሸት ትትነሰኦ ለዐለት ቀድዮት፡ ሱድፈት እህትማም ሸዐብ ወሕኩመት ነሰአት። እብሊ ህይ፡ ግሪ ሕዳት አምዴላት እግል ቀድዮተ ደረሰ እግል ትሰመዕ ሰልጠት ለበ ቤት ፍርድ እሱዎቱ ለልብል ሰኣል አትቃረመ። ሰንበተ ገኖ ለልትበህል ናይብ ዴቅባይ ቃኑን ናይ ፈደራል ለዓሊት መሕከመት፡ መድረሰት ቀሃስ እብ ፈደራል ሕክሙት ሰበት ትሸቁት ዲብ ፈደራል ቤት ፍርድ እግል ልቅረብ ትሰአለ። መሓሚ ናይለ ደረሰ እንዴ ጉብኦ አርወሐቱ ለረሸሐ ነፈር በርሰማን ወመሓሚ ብላተ ህብትዝጊ ዕቅባዝጊ ህይ፡ ኤረትርዮን ደረሰ ዲብ አብያት ፍርድ ኤረትርዮ ልትፈረዶ ለትብል ቅራመት አቅረበ።

ለቱለል እት ክእነ ህንጡጡል ዲብ እንቱ፡ ልኡል መከነን ለልትበህል ወልዱ እግል ህጸይ ሀይለሰላሴ እብ ብቅት ሰበት ሞተ፡ ክሉ ወራታት አቶብዩ ወኤረትርዮ በዋረ ኩ፡ ቀድዮት ደረሳመ ሀንጦጠለት። ዲብ ዮም 16 ማዮ ቤት ፍርድ ምን ሐዲስ ክምሰል ትከሰተት ላኪን፡ ፈደራል ቤት ፍርድ ላዝም ሰበት ቤላ፡ ቀድዮቶም አሰክ ሐልፈት። መሓሚ ብላተ ህብተዝጊመ ዲብ ቀደም ዳንያታት እንዴ ቀርቦ እግለ ደረሰ ለወክሎ እብ ረሰሚ ሐቀለ ሸርሐ። ዲብ ረአሰ እሱራም ጉብኦ ለዐለ ዝባዋ ወጅርበት እግል ልብጠር ጠልቡ።

እሊ ጉብኦ እት ህላ፡ ለኖይ እድራብ ደሚር አሰክ ብዕድ መዳርስ አሰመረ ውበዕድ መዳይን ሰበት አሰሐበቡ፡ ዲብ ዮም 17 ማዮ ደረሰ መንደፈረ አድረበው። ሓለት እግል ትትኬለም ክምተ ለፈሀመ ሚርሓይ ሕክሙት አሰፈህ በገ፡ ለነዐር ኖሱ እግል ለትሀድኡ ዲብ መዳርስ እት ደውር ወጀውላት እት ወዴ ምክር ሀቤ። ምነ ትፈናተ መዳርስ እግለ ጀምዐዮም 390 ደረሰ ህይ፡ ዲብ ዘሪብት ቀሃስ ካልኣይት ደረጃት እግለ ተሃዦዩ፡ ጀሪደት ዘመን እብሊ ለተሌ ሸርሐቱ።

ለእብ ንዮት ሰኔት በዐል ጀላል ንጉስ ነገስ ለትበኔት መድረሰት እንዴ ረክበው ደርሶ ለዐለው ደረሰ፡ እግለ መድረሰት እንዴ ሳበረው ወክክረበው አርወሐቶም ለልትዐይር መዋዲት፡ እግል ላባም ህይ ለለግሄ ወለለአሰፍ፡ ውዳይ እኩይ እንዴ ወደው እሱፋሙ ክምሰል ህለው ሸርሐ።

“... ለበልዐክ እተ ጢሾ ለትሰብር፡ ለሰክነዩ ቤት ለደምር አው ለለኣኪ አዳም፡ እብ ክሉ ለትቀበበ ወለተዐዩበ እንዴ ጉብኦቱ ለነብር። እግል ክእነ ላቶም እግለ ሰኔት ለወዴት እሎም እዴ ለነክሾ ወእኪት ለፈዱ አጀኒት ክምቶም እግል ነኣምር ብነ። እግል ክሉ ኤረትሪ ለለኣክጅል ወለለኣግሄ ናይ ሰዓሊግ ወበሃይም መዋዲት። አሰፈህ፡ ዲብ ኩልዮት መዐሀድ

ተድራብ መደርሲን (TTC) ወትግባሬ እድ (ፓይንቲ ፎር) ሕድ ለሽብህ ወዐዝ ቀደመ። ዲብሊ አወላይ (TTC) እግል ደረሰ ቀሃስ ሐቀለ ሰ'ቀ፡ እሊ ለተሌ ቤላ። “ዲብ እሊ ዐድ እሊ ምዴርዮቹ ምዴርዮትክ ልትኬለም ህለ ኩ ለለአበድዩ ሰራይ እግል ትሕዝው እሉ እትፋኔኩም። ሕነ አቶብዩን ሕነ፡ ሰበት እሊ፡ እብ ታሪክክ ወሕካያትነ እንሸንን።” ለምዴርያት ቤለዩ እብ ሰበት ሕቁቅ ኤረትርዮ መትጺጋግ ዐለ።

ጀርቤታት አሰፈህ ላኪን ፍሬ ፋሪ ይሀቤ። ዲብ ዮም 21 ማዮ፡ ደረሰ ምግባይት ደረጃት ቀሃስ (ግራህ ካልኣይ ደረጃት ለዐለ) ክምሰልሁመ ናይ በነሾለንተ (ኣክርዮ) ምህር አትካረመው። 350 ለገበኦ እት ባካት አምበጋልያኖ ክምሰል ተአክበው ህይ፡ እብ ሰብ ሰልጠት ሕክሙት ወቅሰም ተዕሊም ምክር ምንመ ተህዩበቶም፡ እሱራም ለህለው ደረሰ እንዴ ኢትፈተሐው ክምሰል ኢለአቀብሎ አትአመረው። ፖሊስ ህይ አግቡይ እንዴ ደብኦ ዲብ እምበጋልያኖ ክርዱኖም ወዐለ።

ፈጅራተ፡ ዮም 22 ማዮ፡ ደረሰ ሕብረት (ሸላጅዮ ጀንዮ) ወጸጸራት እተ እድራብ ተሓበረው። ዲብሊ አምዕል ለህ፡ መዳርስ ጎዳይፍ ወቤት ጊዮርጊስ፡ መድረሰት አዋልድ (እንደ ሴተ) ወገዝ ከኒሻ እግል ሰዳይት አሲሪን ደረሰ ምህር አትካረመው። ዮም 23፡ ክሎም ዲብ ዐዳገ ሐሙስ እንዴ ትዋጀሀው እንዴ ትሰርሰረው አሰክ ፈደራል ቤት ፍርድ እግል ልመርሾቶም ሰበት ትበህለ ህይ። ቅዋት አምን ወፖሊስ ዲብ ሸቀላት ትካረው። ለአሲራር ሰላም ላኪን እብ መትኣታይ ዋልዴን ወቅዋት አምን እንዴ ኢጉብእ ተርፈ። ላኪን፡ ዲብ ብዕድ መዳይንመ ዕዱይ ዐለ። ቀደሙ፡ ዲብ ዮም 20 ማዮ ደረሰ ከረን፡ አቅርደት ወባጽዕ እድሩግም ክምሰል ዐለው ናይ አምን ተቃረር ለሐብር። ደሚር ናይለ እድራብ መራብ ሰበት ተዐደ፡ ዲብ ዮም 21 ማዮ ደረሰ ዐድዋመ ተሓበረው እቶም ትበህለ።

ዎሮ ምነ ሕክሙት ኤረትርዮ ለአትፈከረ ሸኦ፡ ለዐባዩ ደረሰ እት ሐብስ እት እንቶም፡ እግል ነኣይሽ ለሐረከ ወእት ደረጃት ምዴርያት ለፈንጠረ ምንቱ ለልብል ዐለ። ምን ሰልፍ እንዴ አምቡተው እብ አምን ለትፈረረው አንፋር፡ ሸኩቶም እት ናይ በዲር አንፋር ራቢጠት ወመሕበር ሸባን ፈደራሊስት እንዴ ከረው ታቡዑም ዐለው። ገሌ ምነ እተ እድራብ ለሻረከው ህይ አንፋር ናይለ አሰልፍ ለትጀመደ ኩ፡ እግል ልትበገስ ለአንገላግስ ለዐለ መሕበር ሸቃለ ኤረትርዮ ለአትሃጉምም ክምሰል ዐለው ልዘከር።

እብ ለጉብኦት ሸቀላት ሕክሙት ርሸመት በጽሐ። ዲብ ዮም 22

ማዮ፡ ቀድዮት አሲሪን ደረሰ እት እሱወ መሕከመት ልትረኦ ለልብል ሰኣል እት ልደቀብ ገይሰ እት ህላ፡ ዲብሊ ጀልሰት ለአቱ ለዐለ፡ አሰልፍ ሐፍዛይ ቃኑን ኤረትርዮ፡ ሐሬ ህይ ጌምያይ ቃኑን እንድራሴ ላቱ ፍረደሪክ ራሰል፡ እብ ፍንቱይ እብ ሰበት ሸቀላት ሚርሓይ ሕክሙት ከትብ።

ሚርሓይ ሕክሙት እት ርዕብ ኩሩይ ህለ። ሞት መሰፈኔ ሐረር (ልኡል መከንን) እንዴ አመሰመሰ ለሸክወቱመ እግል ለአጅለ ጀራርብ ህለ። ለዲብ ሐብስ ለህለው ሸባን እሊ ፍክር እሊ ናይ ዎሮ ዕጉል ሰዳሲ መዋዲት እንዴ ጉብኦ እግል ልትረኣዮም ኢኮን። እት ረአሰ እሊ ሚርሓይ ሕክሙት ለዲብ ዩንዮ 1955 ኖቬ ለረሰምኩዎ አዋጅ ሸፍተ (ዕልብ 1/55)፡ ዲብ ሸፈቲት ለትወጀህ እት እንቱ፡ እግል አደብ አለቦም አጀኒት እግል ሰለስ ወሬሕ (እምበል ፍርድ) እግል ልትቀየዶ እሉ ለሐሰብ ህለ። እት እግር ገበዩ ህይ፡ ሰሚት ሸፍተ እግል ለአልዋእ እቶም።

ለፍክር ቃኑናይ ሰዳይት ሰበት ኢረክቡ፡ ኢጉብኦ። ለእድራብመ አተላላ። ዲብ ዮም 22 ክምሰልሁመ 23 ማዮ፡ እብ አምኦት ለልትዐለበ እማት ናይ ኖሰን መትነዛም እንዴ ወደዩ፡ ውላድን እግል ለአፍተሐ አሰክ ሚርሓይ ሕክሙት ጌሰዩ። እብ ክሉ ጀህት፡ ፍንጌህ ወፍንጌ አሰፈህ ሕፋን መትበላላስ ሀገጊት ክምሰል ዐላቱ ልትአመር። አሲር ደረሳይ እግል ሕክሙት ክምሰል ለዐይብ ወእግል ውላድን እግል ልትቃረመ ሐቅ ክምሰል ዐለ እለን እብ ሰኒ ድቁብ ከሊማት ለተሃዦ ክምሰል ዐለያመ ለሐብር። አሰፈህ ላኪን፡ ልቡ እብ ሱሰት ሀይሌሰላሴ ሰሎብ ምኑ ሰበት ዐለ፡ እግለ ልምድት ህግያሁ እንዴ ደጋገመ እግል ለሃድኣን ጀረብ።

ለትሳበረት መድረሰት ቀሃሴ፡ ኢኮን ዲብ አቶብዩ ዲብ አፍሪቃመ እሊ ለትመስል መድረሰት ክሉ ረአሱ ክምሰል ይህሉት አሰአለወን። “ቃኑን ረቢ ለኬደ ወከደን ለፈግረ ሸፍታመ ሸውዩ ሰኒ ዋዲ እሉ ለዐለ ነፈር ዲብ ከደን ዶል ረክቡ ‘ዐገብ ለበልዐክ እበ እዳተ’ እንዴ ቤለ ለዐፍዩ። (እሊ) ... በገ፡ ምስል ጠባይዕነ ለኢኖስብ ናብ ብሂመት ውዳይ ቱ...” ወሰክ እለን። ዝያደት ክሉ፡ አተላላ አሰፈህ፡ ክእነ ላቱ ናይ አጀኒት መዋዲት፡ “... እት ረአሰ ሐዘን ሐዘን ለወሰክ እት ጃንሆይ እግል ልብጸሕ ለለኣክጅል ... ህቱ ላኪን እብ ዕን ረሕመት ለልርእዩቱ...” ቤለ ኩ፡ ልኡል መኩንን እተ ሞተ እቱ አያም ክምሰልሁ እግል ልሳድፍ ክምሰል ኢወጅብ ሐቀለ ሐበረዮን፡ ፈጅራተ ውላድን አሰክ መዳርሶም እግል ልብለሰ እንዴ ኣዘዘ ሳረሐዮን።

ልተላላ...



እትለ ክፍእት ለሀሌት ሰኔት

ለዲብ ዎሮት ድጌ ዎሮት ሐቲ ዕንቱ ወዎሮት እግሩ መልክ ነብር ዐለ። እሊ መልክ ሕክሙ ሰኔ ሰዱድ ወመዋዲቱ ትሩድ ሰበት ዐለ። አዳም እብ ፈርሀት ልብህጅ ምኑ ነብረ።

አምዕል ሐቲ እግል ረሳሚን ናይለ ድጌ እንዴ ጀምዐዮም፡ “ትሰምዑኒ ህሌኩም፣ ክልኩም ሱረት ሰኔ ግርም ናዩ እንዴ ረሰምኩም ምጽኡ። እለ ለኣወደ አጀሉ አተ።” ቤለዮም። ክሎም ለረሳሚን እብ ድንጋጽ እተ አካነቶም ጀረጌሕ ገብአው። “እናስ ሐቲ ዕንቱ ወዎሮት ዕቅቡ ከአፎ ሱረት ግርም እግል ልትረሰም?” እት ልብሎ ሐሰበው። ምናተ፡ ብዕድ ሕርያን ሰበት ይዐለ እግሎም ክሎም ዎሮት ከእብ እንክሩ እግል

ልባሰር አንበተ። እግል ኢልሐሱ ለመልክ ብዕድ ነፈር እግል ኢልምሰል ፈርሀው። እበ አካነቱ እግል ኢልርሶሙ ህዩ አክፈኢኩኒ እግል ሊበሎም ቱ።

እንዴ ልትጀረሶ ዐለው ዎሮት ከእብ እንክሩ እብ ሱረቱ መጽኡ። ደለ እት ቀደም መልክ በጥረ መለክ ሌጠ ገለዩ። ሕኔት ሸክትለ ልድሕና፡ ሸክትለ ልትቀተሎ ሌጠ ዓረዮም። እት ደንጎበ ዎሮት ፍንቱይ ረሳም መጽኡ። ለረሳም እግል መልክ እብ ፍንቲት ገበይ ረሰመዩ ህተ ህዩ።

ለመልክ እት ንዕዩ ጋይስ እት እንቱ፡ ዕንቱ እንዴ ጨቅመ ዲብ ሐዋን እት ቱሸን፡ ለእግሩ ህዩ ዕጽፍት ዲብ እንተ ረሰመዩ። እግል መልክ ሐቲ ለዕንቱ እቅምጭት

ሰበት ዐለት ኢትረኤ። ሰበት እሊ ሐቲ ዕንቱ ህሌት። ለዎሮት ዕቅቡ ህዩ ዕጽፍ ሰበት ህሌ፡ ቅሩጭ መሰል። ሰበት እሊ እግል መልክ ይኣክፈኣዩ ወለ ይዐለት እግሉ ኢክልኣዩ። እሊ ነፈር እሊ ክምሰል ተወወተ፡ ለመልክ እግል ረሳሚን ከእነ ቤለዮም።

“ክል-ዶል እግል ትፍሆመ ለብኩም፡ አዳም ለእኪቱ እንዴ ሐብዐኩም ለሰኔቱ ሌጠ እግል ዓቡ። ሕኔት ሐዘዩት ከለጥ ትገብኦ ሐዘዩት ሰኔት ግብኦ” እት ልብል መክረዮም ወመሐከዮም። ክፍቱያም አጀኒት፡ ሐያት እብ በሰርተ ትትነበር። በደል ምሰለ ሳድፈነ መታክል ገጽ-እብ-ገጽ ንትባጠር፡ እግል መታክል እብ ከአፎ እት መንፈዐትነ ክም ነአውዕሉ ወንትባለሕ ምኑ ንባሰር።

ገሌ ምን አምሳላትነ

አውኪር፡ እንዴ እሊ ምን ክታብ ‘ምሩጽ ምሰላታት’ ለነሰአናሁ አምሳላት ናይለ ትፈናተ ሀገጊት ዐድነ ቅርኡ።

- ግሉል ምጋሩ ሐ ግሉል ጋሩ (ትግራይት)
- እግል ፈጅር ለኢልብል ምን አድግ ኢለሐይስ (ትግርኛ)
- ግርመት ተህሰስ እት ህሌት ዐቅል እት ዘይድ ገይስ (ዕፋር)
- ወድ ላብብ ሰድት ኢትነሰኡ (ኩናመ)
- ሜክራይ አለቡ ሜክራዩ ሺጣን ቱ። (ትግራይት)
- ለኢለሐሰብ እብ ማይ ልትረሸድ (ኩናመ)
- ምን ደሀብ ሳፊ አምር ወጅብ (ግእዝ)
- ዓልም ፈረህ ገብእ (ናረ)
- ዕልም ናር ቱ ወቅዌት ጽልመት (ትግራይት)
- ቅዌት ደብር ክም ኢትርኤ ትወዴክ (ናረ)
- አምር ሰኣል ወልደ (ዐረብ)
- ግረህ ምሰል እክሉ ወምዳይ ምሰል በዐሉ (መሰል ህውሰ/ ተካሪር)
- ሰብር ዐውል በቀል (ትግርኛ)
- አሰበረ ማዩ ጨረ (ትግራይት)
- ከራይ አሰክ ትዳሌ ተሐንክሸ (ትግርኛ)
- ሐሬ እወድዩ፡ ሐር ትወዴክ (ትግራይት)

ማዕሉማት እብ ክሱስ ዓሰ


- ዲብ ዐለም ምን 24,000 ወለዐል ጅንስ ዓሳታት ህሌ። እሎም ዓሳታት እሎም ቀደም 540 ሚልዮን ሰነት ዲብ ማያይ ክፋል ክምሰል ትከለቀው ልትአመር። ዓሳታት ምን ዓጭሞታት ለቦም ጅንስ ሐዋን እት ገብኦ፡ ሻርክ ወረይ ለልትበህሎ ዓሳታት መቅደድ ዔጸት ህለ እግሎም።
- ሐድ 14,000 ምን ጅንስ ዓሳታት ዲብ በሐር ነብሮ እት ህለው ለተርፈው ዲብ ማይ-ጥዑም ነብሮ።
- እት ዐለም ሐድ 250

ለገብእ ጅንስ ሻርክ ልትረከቡ።

- ምን ዐሳታት ለዐበ ጅንስ ሻርክ፡ ሐት - ሻርክ (whale



shark) እት ገብእ ብጥረቱ 13 ምትር ወከባደቱ ህዩ ሐድ 15 ቶን (15,000 ኪሎ ግራም) ገብኦ።



መራዐዮት ዓፍዮት አንድብ አግሩዝ ወጀኒት

3. እብ አፍ አተንፈሶት

- ዲብ አጀኒት ሕኔት እብ አንፍ አተንፈሶት እብ አፍ አተንፈሶት ብዘሕ ዶል ልትርኤ። አሰባብ ናይ እሊ ህዩ፡-
- ጅን ናይ አንፍ መሻክል ሐቅ ቡ እብ አንፋ እግል ለአተንፍስ ሰበት ኢቀድር እብ አሁፋ ለአተንፍስ።
 - ጅን ዲብ ወቅት ህምግ ወትልህዩ ሐቅ ለህሌ ወተርኪዙ



- ዲቡ ሐቅ ገብእ ክምሰል ወቅት ሰነብ እብ አፋሁ ለአተንፍስ።
- ጅን ከንፈሩ እብ ጠቢዐተ ሐጫር ሐቅ ገብኦት አፋሁ እግል ልድበእ ሰበት ኢቀድር እባሁ ለአተንፍስ።
 - ፍንጌ ክልኦት አንፍ ለህሌት ምክፋል (ሴፕቱም) ጭዊት ሐቅ ትገብእ።
 - ዲብ አንፍ ቅደት ሐቅ ተህሌ።
 - ዳይም አረር ዲብ

መገልበብ አንፍ፡

- ሐሳሰዩት መገልበብ አንፍ።

እብ አፍ አተንፈሶት እሻረት ናይ አከይ-ብቅለት(malocclusion) አንድብ ክምሰል ቱ ልትሸረሕ። ምን ውላድ ሰለስ አሰክ ሰስ ሰነት ለዕምሮም አጀኒት ብዘሕ ወቅት ሸበህ መትፈትሐት አፍ ለአርኡ። እት ክእነ ቴለል አፍሆም ሸበህ ምንመ ልትፈተሕ እብ አንፎም ለአተንፍሶ። ሰበት እሊ፡ ክእነ ለመሰል አሻይር እግል ዋልዴን ለሻቅል ኢኮን። ምናተ፡ ገሌ ሐብሬ ክምሰል ከረ ቅይሔ፡ ሕባጥ አው ነዘፍ ዕስር ሐቅ ሳደፈ ሳቱ ሰብብ አተንፈሶት እብ አፍ እግል ልግበእ ቀድር። እት ክእነ ቴለል ምሰል ሐካይም አንፍ፡ ወሪድ ወእዘን መትጋማይ ለሐይስ። እት ክእነ ቴለል እግል አንፍ ለትደብእ ገሌ ሓጀት ሰበት ተህሌ ቱ እብ አፋሁም ለልአተንፍሶ። እብ አፍ አተንፈሶት መሻክሉ ለበዘለ ወቅት ከሸፍ አንድብ እት ገብእ እቱ ወቅት ልትአመር።

4. ሐራጠጦት አንድብ (Bruxism)

ሐራጠጦት አንድብ እምበል ህደፍ አንድብ ኖሱኖሱ እንዴ ልትግዝ ለወደዩ ጥቅሐት ቱ። እሊ ብዘሕ ዶል ዲብ አጀኒት ልትርኤ።



- ሰብብ
- ለጅን መሻክል ዐቅል ደቅጥ ዶል ወዴ እቱ እግል መሰል፡ ቴለል ናይለ ዐይለት፡ መስኩብ
- መፋሂም ህሌ፡
- ውጀዕ አንድብ ገሌ አጀኒት ክምሰል ለሐራጦ ወድዮም።



አሳር

አህምዩት ዓዳት ስያሐት

ዮውሃንስ ገብራዬሱሰ

ዓዳት ሽፊሕ መንበረት መሆኑ፤ ሐያቱ፤ ጅንሰየት ሰልጠነት ስያሰት ወተጠውር ናይ ዎሮት ምጅተመዕ ቱ። ምን ደሀረ ክፈል ምጅተመዕ ላተ ዓይለት እንዴ አንበትክ እት ዐለምን ለህለው ምጅተመዓት እበ ናሱብ ምስሉም በሰር ለልትነፍያ እቡ ሀይአት ዓዳት ስም። ምጅተመዓት ምስለ ነብሮ እቱ ድዋራት ለልትሳኔ ወለልትፋሃም ወምን አካን እት አካን ለትፈናተ አሸካል ለቡ ዓዳት ምንመ ለሀሌ፤ ለገበአት ዓዳት እት አካኑ እግለ ወክሉ ሽዑብ ለሽፊሕ። እትሊ ወክድ እሊ ምጅተመዓት ክም አግዳ ዒን ስሕበት ቀበት ዐድ ወካርጅ ስያሕዩን እንዴ ገብአ ከድም ህለ። እሊ እት መጃል ስያሐት፤ ስያሐት ዓዳት እንዴ ትበህለ ልትሰሚ።

ናይ ዓዳት ስያሐት ሐቱ ምን ኣጅናሰ ስያሐት ገብእ እት ህሌት ናይ ቀበት ዐድ ወካርጅ ቤጽሐት ለልትነፈያ እቡ ጆግራፍያይ አካነት ወለዓል ዲብ መናበረቶም ለሰድዮም ሐጃት ዐዳት፤ ታሪኩ፤ ፈርዕ ብንዩት ግርመት አካናት፤ ታሪካይ አካናት ወአሳር እግል ርእየት ወአድረሶት ለልአቀድር ክፈል ቱ።

ናይ ዓዳት ስያሐት እብ ዝያድ ዲብ ዓበዩ መዳይን ለልትረከቦ ታሪካይ መባኒ ክምስል ኣብያት መታሕፍ ፡ጋሌሪታት ወመርከዝ ትያትር (ተምሲል) ወለመሰሉ ናይ ዓዳት አግዳ መራክዝ ስሕበት ገብእ እት ህለ፤ መሀረጃናት ወናይ ደያናት መናሰባት እተ ክምስልሁመ ዲብ ብሩር ወረዩም አካናት ለቀርቦ ናይ ዓዳት ወሰዋልፍ ጽብዋ ክምስሁመ

አካናት መሳኔዕ ወመትፋግዒ ስያሐት ለክምክም ቱ።

እብ አሳሰ እድንያይት ቤት ጎማት፤ እግል ታሪካይ አካናት ወትምሳላት ዲብ 1997 ለአፍግረቱ ሽፊሕ ክምስለ ወድሐ፤ እብ ዕንታቶም እንዴ ረአወ፤ለዘቱ እግል ለአዳውሮ ምኑ ወኬን ህዩ ፈሀሞም ዲብ ዓዳት ታሪክ ወሰዋልፍ ድዋር እግል ልዕቤ ለልአቀድር በክት ክምስልቱ ትወዴሕ።

እሊ ክፈል ስያሐት እሊ ምጅተመዓት ዲብ አዝቡን ለመልከዉ አምር ወበሰር መባኒ ወቱክናሎጂ ለም ናይ ታሪክ ቅዱም ምኡምረት ውርስ ገብእ እትህለ፤ ክምስልሁመ ናይ ዓዳት ዝሕርታት ዲብ ናሰኖሶም ተጃርብ እግል ልትባደሎ እንዴ ገአ ክም ልትከደም እቡ ልትሸረሕ።

እድንያይ ወኪል ሰፈር ምጅልሰ ቅራን ዲብ ሸርሐ ክምስለ ለሐብሩ፤ ናይ ዓዳት ስያሐት ምን ህለ ዋዉር መትፋግዒ አካናት አግደ ሓጃት እግል ክልቀት ወጠቢዒ ለገብአ አውሳፍ ናይ ኦሮት ድዋር ለልአተርክዝ ወለልትአትዐጅብ እብ ግብአቱቱ ልብል።

እትሊ ጋር እሊ ኩለ ለትገብእ ሐረከት ናይ አዳም ለትክምክም ገብእ እት ህሌት፤ እግል ብዝሐ ቁምያት፤ ዓዳት ፡አምር ወተጃርብ ቤጽሐት ለትመውን ወድነ ክምስልቱ ልትሰሚ።

እትሊ ለእንፍህሙ ጋር ህለ ምንገብእ፤ ዘባይን ዓዳት ስያሐት ምን ብዕዳም ጅንሰ ቤጽሐት ለበጽሕዉ አካናት እቱ ለበዝሐ ወክድ ወዱ እብ ግብአቶም

ቱ። ሰበት እሊ፤ ዓዳት ተጃርብ ወቀናዐት እብለ ትወቀለ ክም ልትፍህሞ ልትአመር።

ናይ ዓዳት ስያሐት አሳሰ ረዩም ለጸንሐ እግሉ ዎሮት ምን ለዐበው ወለትሐረው መጃላት ስያሐት ቱ። እብ አሳሰ ሐብሬ እድንያይ መሕበር ስያሐት፤ ዓዳት ወሰያሐት 30% ክፈል እድንያይ ስያሐት ለክምክም ክምስልቱ ምን ሰነት ዲብ ሰነት ህዩ ወሰኮት ለአርኤ ክም ህለ ልትሸረሕ።

እትሊ ለህሌነ እቱ 21ይ ክፈል ዘበን ክለን ድወል እዲ፤ ናይ ዓዳት ስያሐት ክምስል አግደ ዒማት ስሕበት ቤጽሐት ወአከቦት ናይ ቀበት ዐድ ወካርጅ ሰላዲ ልትነፍዐ እቡ ህለየ። እግል መሰል፤ ቻይክአሜሪካ ወታይላንድ ገሌ ምን ወራታት ስያሐት እብ ለትወቀለት ገበይ እንዴ ገንሐያህ እብ መትአያስ ከድመ እተ ለህለያ ተን።

ዲብ ሰነት 2002 እብ መፈወድየት እትሓድ አርብ ለገብእ በሐስ ክምስለ ለአክዱ፤ ገበል ለናይ ዓዳት አምሩ እግል ወቀሎት ወሸንህቱ እግል አትመሞት፤ክምስለ ክል አምዕል እት ኣብያቱ ለወድዩ ወራታት ክምስልሁመ አክሉ ለገብእ ዲብ ኣብያት መታሕፍ፤ ጋሌሪታት ወታሪካይ አካናት በጽሕ ክም ህለ ሐብሬ ህዩብ ቱ።

እብ አሳሰ እሊ ሐብሬ እሊ፤ እለ ዐቦት ዓዳት ስያሐት ወሰክ ክም ህለ እት ልትአመር፤ዓዳት ናይ ለትፈናተው ምጅተምዓት ወናይ ዓዳት መራክዝ አህምዩቶም እንዴ ትትወቀል ትገይስ ክም ህሌት ቱ ለልትሐበር። ዲብ እሊ ክፈል እሊ



ምን ሐልየት ዐድ ትማርያም ዎሮት እናስ ሽምብሬብ ለትብል ረያም ሕላየት ሓሊቱ ለሕላየት ሰኒ ረያም ሰበት ገብአት ምን ሕላየት እለን ለተልዩ ኣብያት እግል ንርኤ።

ሽምብሬብ ኬደቶ ማሌ ጋድም ቅላመት እንሰ ዐሊ ትነብሮ ተሐዜ ዲቡ ግርጋመት ሽምብሬብ ኣዋልድ ድቦከተ ሕያመት።

ሽምብሬብ ኬደቶ ላመ ጋድም ቅፍርለ ሽምብሬብ ኣዋልድ ዶንክ ለሽማል ጌልለ።

ሽምብሬብ ኬደቶ ማሌ ጋድል ዶብለት አነ ወእለ ሽምብሬብ መሶ ሕነ ወሰነት ሽምብሬብ ኣዋልድ ድቦከተ ቅምጅለት።

ሽምብሬብ ከደቶ ጋድም ክልኤ ሓፋላት ክልኤ እለን ሽምብሬብ እግል ሕላይ ሰንጉራት ወክልኤ እለን ሽምብሬብ ማይ ለሽማል ቡሹራት ክልኤ ነኣት መቃርብ ዲብ ኣፍያተን ዑቁላት ወክልኤ ነኣት ሐራሳት ክልኤ ሻከት ሐፋራት ክልኤ አስጉን ግራታት ዲብ ለደበት ብሩራት ክልኤ ሞረ ወጋሪ ሰምጥ ዐድ ሕድ ጽጉራት ወክልኤ ሞረ ቀዳደት እብ ዕራታት ኩቱራት ክልኤ ግሰት ወረዘ እብ ደራይር ሁሉላት ክልኤ ገለብ ዐገበ ወክልኤ ግርቢት ዑሩራት ክልኤት ሰይፍ ኣፍርንጂ ወክልኤ ቤቶም ጅሉዳት።

ሽምብሬብ ኬደቶ ማሌ ጋድም ደከኖ እንዜ ወኬን ትትህንዝዝ ዐኒግ ረአሰለ ከበሮ ገርብ ንያላት ዓጽም ኢኮን ወገኖ ሰኒ ህሌት ልብሊነ ውላድ ዐድነ ልንበሮ እት ለሐኪ ኢትእከይ ለእለ ቤለው ሊበሎ።

እግልነ ኤረትርዩን ለልሀመነ ሰኣል ምን ለሀሌ፤ ዓዳት ስያሐት ዲብ ኤረትርዩ ከፎ መሰል ህለ? ለህለ እግልነ ዝሕርታት፤ ክም መሸፈጊ ክዳማት ለልሀይበ መአሰሳት ህዩ እብ ከፎ ልትረአየ ወልትጌመመ? ጀብህት ሽዑብየት ተሐሪር ኤረትርዩ ምን ወክድ ንዳል እንዴ አንበተት ዓዳት ስያሐት እግል ጠወርት እት ሕሩር ወሸብህ ሕሩር አካናት

ኤረትርዩ ክምስልሁመ እት ካርጅ እግል እት ዐለዮ ነብሮ ለዐለው ኤረትርዩን እብ ቅድረተ ትከድም እቱ ዐለት።

እሊ ህዩ እብ ገበይለ ዐለ ፍረቅ ተንዚም ወለትፈናተ ክፈል ዴሽ ናይ እማት መርኢት ዓዳት ወጅግረ ፈን እቡ እት ገብእ፤ እበ ብዕድ እንክርመ እግል ዴሽ ወሸዐብ እት ፍንጌ ለትፈናተየ ውሕዳት ወራታት ርያደት ገብእ ዐለ።

ምስል እሊ እብ ገበይ ራድዮ ክርን ገበል ወመለጀት ሐድ ጽብዋ አምር ክቱብ ዓዳት ፡ታሪክ ወመራረት እስትዕማር ለሸርሕ ክቱብ ዲብ ሽዑብ ወመናድሊን ልትነሸር ዐለ።

እሊ ወራታት ዓዳት እሊ ሽዑብ እብ ሰብስ እስትዕማር ዓዳቱ እግል ኢልህሰሰ፤ እብሊ ህዩ ፈሀሙ እት ንዳሉ እንዴ ወቀለ፤ ሕርየት ወጠን እግል ትምጸእ ሰዳይቱ ዐባይ ዐለት።

ልተላሌ...



ሸባብ



ሕዱግ ሰሌዋን

8ይ መሀረጃን ወጠን ሸባብ ኤሪትሮፖ ሰነት 2018: “ሸባብ፡ ጣቀት ዳይመት ዐቦት” እብ ትብል ሰቅራት ምስል መድሐራት 31ይ ደውረት ክድመት ወጠን እንዲ ትመሳኑ፤ ምን ዮም 13-15 ጁላይ እተ እብ ክሉ መቃደሱ ብቐዕ ወእት ብንዩት ሰዋልፍ ወጠንዩት ወእት ዐደዮት ምህመት ዐባይ ራፍዐት ለህሌት መዲነት ሸባብ ላተ ሳወ፡ እተ እግል ልግበእ ክም ቱ መክተብ 8ይ መሀረጃን ሸባብ ኤሪትሮፖ እተ አፍገረዩ ሰታት ወደሐ።

ሐቀ አክዶት ታመት ሕርዩት ለትጸበጠ ሸቅል ቤት ሸባብ ኤሪትሮፖ ወሕኩመቱ አክዶት ዳይመት ዐቦት ቱ። እብ ሰትራተጅዩት መተንካብ እት ኖስ ለልትመረሕ፡ መሕበራይ ፍቴሕ መብደእ ለወደ፡ አተላላይ ለበ ዐቦት አክል-ሕድ ክመ እግል አክዶት ሕርዩት ለዐለ ዶርሊ ሀደፍ፡ እሊ ህዬ እብ መቅደረት አዳም ለልትበጸሕ ሰበት ገብኡ፡ መቅደረት አዳም እብ አዳመ፡ እብ ሸባብ ክም ትትአክድ ለልአምን ቱ።

ሸባብ ኤሪትሮፖ ሕልም ወምራድ ሸባብ ኤሪትሮፖ እት አክዶት ለተልህዩ ዶር እብ ከሊማት እግል ትሸርሐ ጀረቦት፡ እብ መዐነት ሰዶደት ወመሊክ መንዲረት ወጠን እንዲ ትረክ ለዘቱ አዳዋር ለሒሰ ሸርሐ ገብኡ።

አዜ እት ሕርርት ኤሪትሮፖ

እንዲ ገብአክ እብ ክሰሱ አክዶት ዐቦት ዳይመት ነሐሱብ እት ህሌናመ፡ ለደማነት እት ሸባብ ህሌት። ዒን አክዶት ርእዩትን ሸባብ ቶም፡ እሊ ቱ ለሻብ ጣቀት ዐቦት ዳይመት ለልአተብሉ። ጣቀት ክም ከሊመት ትተርጀም እት ህሌት፡ ሸቅል ናይ ሰርገሎት መቅደረት አውመ ሒለት እንዲ ትበህለ እግል ልትሸረሕ ቀድር፡ ሰበት እሊ ዒማት ናይ መቅደረት ፍዕል እት እዲ ሻብ ሰበት ህሌት ቱ ለትናወልናህ። መምክን ጣቀት እብ ወጅብ ትነፈዐን እብ ምንገብኡ፡ አክል-አዩ አሳስ ዐቦት ወመትቀዳም ክም ትገብእ እሙር ሰበት ገብኡ፡ ሻብመ እብ ዋጅብ ትነፈዐን እብ ምንገብኡ፡ ደማነት ዐቦት ዳይመት እት እዲህ ክም ህሌት አኪድ ወድዩ እግልኩ።

ጣቀት እብ ዋጅብ ተሐፈዘት ወተሐደሰት ምንገብኡ፡ እግል ብዞሕ በራምጅ መሸፍጋይ ሸይ እንዲ ገብኡት እግል ትክደም ለትቀድር ተ። ሕድ እብ ሸባብ ለሻብ እብ ዋጅብ ደርሰ ወትመርብ ምንገብኡ፡ እግል ኩሉ ንዩይ ወበራምጅ ምጅተመዕ እት ዋቅዕ እግል ልበድል ለቀድር ሒለት እክብት ወመቅደረት ለቡ ቱ።

“ሸባብ ጣቀት ዐቦት ዳይመት” ለትብል ሰቅራት ህዬ፡ ለሻብ እት አክዶት ዐቦት ዳይመት ለልህሌ እግሉ ዶር ወመሻረከት እግል ወድሐት እንዲ ኢገብኡ፡ እግል

መዳሊት እግል 8ይ መሀረጃን ሸባብ

ሸባብ እግል ልግበእ ቡ አሰሉብ ጽብጠት ወመራዐየት እግል አትፋቀዶትማቱ።

እንትበህ በራምጅ 8ይ መሀረጃን ሸባብ ኤሪትሮፖ፡ ፍጥር ወምህዞ ሸባብ ለወክል፡ እተ ሐልፈዩ 40 ሰነት መሻረከት መሕበር እት ብንዩት ሻብ፡ ክምሰልሁመ ተረት ሸባብ እት አክዶት ሰዶደት ወዐማር ወጠን እተ ሐልፈ ርቡዕ ዘበን እግል

ሐቱ ወራት እግል ትወክሉ ለልትወጤ ምንመ ኢገብኡ፡ እብ ክል ወራቱ እት ለትፈናተ በራምጅ ለትሰርገለ ሸቅል እት ፍገራት እብ ተንክበ ብሰር፡ እግል ልትቀደም ልትሸቂ እቱ ህለ። እት በራምጅ ዓዳት፡ ሸባብ እግል ናይ ለመድ ሰዋልፎም እግል ለአሙሩ ወልንበር እቱ እብ አምር እንዲ ተለው፡ እት እድንዶይ መሓፍል መጃግራይ እግል ሊደወ ለሰንድ፡

ልግበኡ፡ ምን እሊ ንቃሽ ወበሐሰ እሊ ህዬ፡ እግል ምጅተመዕ ለነፍዕ ወተቅዩር ለልአምጽእ እግል ልግበእ ልትከደም እቱ ህለ። ለትፈናተው አምር ለጸብጠ ጅግራታት ደረሰ፡ሸባብ ወዲሽ ለልአሻርክ ጽብጦመ አካኑ ጸብጦ ህለ።

እምበል እሊ ቅሰሰ መዓላት ዋርሳይ ለልትሸረሕ እቱ መሰረሕ፡ እብ ፍንቱይ እግል ፊቃዶ ሹህደ



እብ ሰሐፊ፡ መሓሪ በላይ ለትነሰኡት ሰረት

ልወክል ቱ።

እብ ተውሳክ ወራታት ካረሮት ወሸትል እብ ኬወ ለጸብጠ ወክምሰለ እሙር ተዐሊም፡ጽብጦ ፈን ወናይ ዓዳት በራምጅ እግል ለህሌቱ።

እት ለትፈናተ ወራታት ለትወቀለት መሻረከት ለወደው ሕሩዶም ሸባብ ምልክየት ለትወድሕ ጃእዘት “ሶይራ”፡ እት ምህዞ ወሰናዐት መቅደረት ወፍጥር ፍንቱይ ለአርአው ወምን መልህዶም ለትቀደመው ሸባብ እግሎም ለትትህየብ ጃእዘት “ምህዞ ወሰናዐት” ክምሰልሁመ እት ካርጅ ለነብሮ ወናይ 2ይት ደረጃት ምህርሆም እብ በቃዐት ለአትመመው ኤሪትሮፖ ለትትህየብ ጃእዘት “ሳወ” እትሊ መሀረጃን እሊ እግል ልትህየብ ቱ። መሀረጃን ሸባብ ኤሪትሮፖ እብ ዓመት እብ ክሰሱ በራምጅ ሸባብ ወመሕበር ለልህድግ ምንመ ገብኡ፡ 8ይ መሀረጃን ሸባብ ላኪን መሕበር እትለን ሄራር 40 ሰነቱ፡ እብ ፍንቱይ ህዬ እተ ናይ ሕርዩት ሰኖታት፡ ሸባብ እግል አፍረዮት ወድዩ ለጸንሐ ለትፈናተ ዐባዩ በራምጅ እግል ልሸረሕ ለቀድር ወራታት እብ ለትፈናተ አሰሉብ እግል ልትቀደም ቱ።

እሊ ላኪን እግል ክሉ እት

ለትፈናተ ናይ መጃገረት በራምጅ ወምርኢት እግል ልትዳሌቱ። እት ቀወሺ አቃሊም ሸባብ፡ ሄራር መሕበር እተ ሐልፈ ናይ ሕርዩት ሰኖታት ወዶር ሸባብ እት ናይ ዐማር ወአክዶት ሰዶደት ወጠን እተ ሐልፈ ርቡዕ ዘበን ለወክል እግል ልግበእ ቱ። እት ቂሾት ሸባብ ካርጅ ህዬ፡ እግል መሻረከት ሸባብ እት ካርጅ ለነብሮ ለከሰሰ፡ መቅደራት ወመጃገረት ኤሪትሮፖን ሸባብ ለነብሮ እቱ ድዋራት ወመሻረከት እሊ ዝሕረት ወጠን እሊ እት ቅደይ ወጠን እብ ትወቀለት ደረጃቱ እግል ልትሸረሕ ሰቱት ህለ። እሊ ህዬ ዶር ወመሻረከት ሸባብ ኤሪትሮፖ እት ካርጅ ቀደም ወግረ ሕርዩት እብ ልብል መራሕል እት ክልኤ እንዲ ትከፈለ እግል ልትርኤ ቱ።

እምበል እሊ እብ ከዋድር ዐባዩ ወሰብ መቅደረት ለገብእ ሰሚናራት፡ እት ውራቅ በሐሰ ለተንክበ ንቃሽ ሕበር፡ እትሊ መሀረጃን እሊ እት ሳወ ምነ ቀርብ በራምጅ ቱ። ለቀርብ ውራቅ በሐሰ ወክድ ካፊ እንዲ ተህየበዩ እግል ልትቀደም፡ እብሊ ህዬ፡ እግል ክሉ መጃላት ምጅተመዕ ለተምትም ወእምበል ገላባብ ተሐደሰ ተሐምቅ እግል ልትበህል እቱ ለልአትናይት እግል

ለልተዳሌ ርክን ሹህደ፡ በራምጅ ንቃሽ ሕበር፡ ሰሚናራት ወቅደይ ሕበር ምነ እትሊ መሀረጃን እሊ እግል ልትቀደም ሰቱት እግሎም ለህለ ወራታት ቶም። መሀረጃን ሸባብ ኤሪትሮፖ እት ክል-ክልኤ ሰነት እብ ሰዳይት መሕበር ወጠን ሸባብ ወደረሰ ኤሪትሮፖ ወመርከዝ ተድራብ ቅዋት ድፈዕ ኤሪትሮፖ ለልዳሌ እት ገብኡ፡ እግል እሊ እግል 8ይ ዶሉ ገብእ ለህለ መሀረጃን እብ ነዶረት እግል ሓለፎቱ፡ ምን ክልኤቱ ለእትጀህ ለፈግረት ልጅነት መመቅርሐይት ውቅል እንዲ ትዳሌት እግሉ፡ ኖስ ኖሰን ለትመቅረሐ ወራታት እግል ልትሰርገል ለክድም ለትፈርዐ ልጃን እንዲ አሰሰት ትከድም ህሌት። እት ረክሰ እሊ ምን ውዛራት ሰዶሐት ፤እዕላም ውበዕዳም ጅሃት ለትወክለው ክምሰለ ልሙድ ክፈለ ለጅነት መሀረጃን ሸባብ ኤሪትሮፖ እንዲ ገብአው እግል ልሸቀው ቱ።

መሀረጃን ሸባብ ኤሪትሮፖ እብ አሳሱ ናይ ሸባብ ኤሪትሮፖ ፈረሕ ሰበት ገብኡ፡ እት ዐድ ወካርጅ ለነብሮ ኤሪትሮፖን ሸባብ ምን ዐዘመት ወኪን እብ ለትፈናተ ወራታት ምሸተርከቱ እግል ልግብኡ ወፈርሐም እግል ለአግምሎ ዕንዳቂሆም እግል ለአተርዶ ልትሰአው።



እብ መሕበር ወጠን ሸባብ ወደረሰ ኤሪትሮፖ ለትከደም ሸባብ

ልግብ

10 ዶላር እት ቅብላት 100 ዶላር

ዎሮት መሆንድስ ወዎሮት ሓኪም እት ዋያረት ባክ ሕድ ሳፈረው። ከዲብ እሊ ረዩም ላቱ ናይ ዋያረት ሰፈር ለሐኪም እብ መሻግ ሸዐረ። ከዲብል መሆንድስ እንዴ ትወለበ ሐቱ ሸውዩ ፋግያት ለረክቦ ምነ ወለወቅት አዲግ እግል ልሕለፍ እሎም ለትሰድዮም ትልህዩ እግል ልተልሄ ምስሉ ትሰእለዩ። ለመሆንድስ ህዩ እንዴ አቅመተዩ። ከእብ ገበይ ዕግልት ኢትጽበዋ እቼ እንዴ ቤለዩ። ገዱ ኬን እንዴ በልሰ እት ሰክብ አንበተ። ወእት ሰክብ ሰኒ ትሩድ ክሩይ ክም ሀለ አተምሰላ።

ለሐኪም እለ ውዲትለ መሆንድስ ሰኒ አትሐረቀቱ።

ምናተ ለጋር እግል ለአምሸሽ ምኑ ጀራረበ ወእብላሁ ለወቅት ሐልፈ ወለሐኪም ለመደት ሰኒ ፊመት እቱ። ለወቅት እብ ምልሃሁ ለአሴርር ሰበት ዐለ ለሐኪም ሰኒ መሸገ ወሰብር ሰኦነ። ከአዜመ ምን ሐዲስ አስክለ መሆንድስ እንዴ ትወለበ። ወእት ለአትራቅበ። ለትልህዩ ሰኒ ዋዕም ወመትፈግዓይት ተ። ወለገበይለ ትልህዩ ተማም እግል እሸረሐ እግልነ ቱ ቤለዩ። ለመሆንድስ ለጋር ክም ኢትከበተዩ ውበዞሕ ክም ዳየገዩ እተ ገዱ ልትፈረግ ዐለ። ወእብሊ ሰበብ ብዞሕ እህትማም እንዴ ኢለሀይቡ ለአተንሰዩ ዐለ። ለሐኪም ለህግያሁ ክምእነ እት ልብል አትመመዩ።

ዎሮት ሰኦል እግል እትሰኦለነቱ። ከበሊሰለ ሰኦልዩ ኢረከብካሁ ምን ጉብእ 10 ዶላር ተሀይበኒ። ወሐቀሁ እንታመ እብ አንክርክ ዎሮት ሰኦል ትትሰኦለኒ። ወእሊ ሰኦልክ በሊስ ራቴዕ ኢረከብኩ እሉ ምን ጉብእ። 10 ዶላር ሀይበክ ቤለዩ።

ለመሆንድስ አዜመ ለጋር ሰበት ኢትከበተዩ ኢትጽበዋ እቼ ቤለዩ ወምን ሐዲስ እትለ ሰክቡ ዐቅበለ። ለሓኪም ሰኒ ትዳየገ ወመሸገ ወእግለ መሆንድስ ላዝም እግል ልተልህዩ ሰተተ። ከሰኒ ልወቅ እት እንቱ። ከላሰ እለ ምን ጉብእ እንተ ለበሊስ ትቀወ እትከ ምን ጉብእ 10 ዶላር ተሀይበኒ። ወእነ እግለ ሰኦልክ በሊስ ሰኦንኮ እሉ ምን ጉብእ 100

ዶላር ሀይበክ ቤለዩ። ለመሆንድስ መደቲት እት ለሐሰብ ሐቆ ጸንሐ ለጋር ሰበት አትፈከረዩ እግለ ጠለብለ መሆንድስ ትከበተዩ።

ለሰልፋይ ሰኦል ለሐኪም በድረ እቡ። ወክምእነ ትሰኦለ። ፍንጌ ምድር ወወሬሕ ለህሌት መሳፈት አክል አያ ትጉብእ ቤለዩ። ለመሆንድስ እተ ዶሎ 10 ዶላር አፍግረ ወእግለ ሐኪም ሰለመዩ። ሐቆ እለ ተረት ናይለ መሆንድስ ሰበት ጉብኦት ህቱመ እብ አንክሩ ሰኦሉ ወጀሀ። እግለ ደብር እብ ሰለሰ እግር እንዴ ፈግረዩ ሐር እብ አርበዕ እግር ለልትከረዩ ጋር ሚ ቱ ቤለዩ? ለሐኪም ሰኒ ርቡሽ ወሕዩር እት እንቱ እንዴ አቅመተዩ። ውበዞሕ ሐሰበ ወፈከረ። ምናተ ለበሊስ እግል ልርከቡ ኢቀድረ። ሐቆ መደት ረዶም አዜመ ለሞባይሉ እንዴ አፍገረ ከእበ ሓሰበቱ እግለ ጋር ጀምዐዩ

ወአንቀሰዩ። ምናተ ኢተዐወተ። ወሐቆ ሳዐት ለጉብእ ወቅት ለጋር ሐል ሰበት ሰኦነ እሉ 100 ዶላር አፍገረ ወእግለ መሆንድስ ሰለመዩ። ለመሆንድስ ህዩ እብ ገበይ ዕግልት ሰሕቅ እት ልብል እግለ ሰላዲ እንዴ ትከበተዩ እተ ጂቡ ሎሽዩ ወእብላሁ ኬን እንዴ ትወለበ ሰክቡ አተላለ።

ለሐኪም እለ ዐደምለ እህትማም ናይለ መሆንድስ ልቡ ኢከረዩ እሉ። ከምነ ሰክቡ እንዴ ነክነዙዩ ክምእነ እት ልብል ትሰኦለዩ። ፍንጌ ምድር ወወሬሕ ለህሌት መሳፈት ከም ትጉብእ ቤለዩ? ጀዋብለ ሰኦል ሚ ዐለ ምስሰለኩም። ለመሆንድስ ዘዐቲትመ ኢአፍገረ። ኢዴሁ እተ ጂቡ እንዴ ሎሽ 10 ዶላር አፍገረ ወእግለ ሐኪም እንዴ ሀበዩ። ሰክቡ ሌጠ አተላለ።

ዓጃይብ ወፍክር

- ዲብ ግብለት አፍሪቅዩ ዎሮት ዕዉር ዐረብዩት ሰወግክ እንዴ ትበሀለ ተሓከመ!!..
- ዲብ ብሪግንዩ ሐቱ እሲት ለነእሽ ሞባይል ትዛቤት። ከካርዩቱ እንዴ ዐለት እግል ተሀርሱ ምን ዐቅመተት ምክራዩ ትቀዌት። ሐር እት አዩ ክም ሀለ እግል ትድሌ ዶል ዘብጠት እቱ። እት ቀበትለ ባልዑ ለዐለ ከልበ ነቅመ። ሐር ሐኪም ሔዋን እንዴ ትላኬት ለጋር ክም ደግመት እሉ። ለሐኪም እግለ ከልብ ምለይን ክም ሀበዩ ለሞይል ሐቆ 20 ሳዐት ፈግረ ምኑ። ወሐቆሃመ ሸቄ ዐለ!!
- ዲብ ኣምሪካ። እት ሰነት 2000 ዕዱ መጅልሰ ሸዩኽ እግል ልግበእ። ቀደም ሰኖታት ማይት ለዐለ ነፈር ተሐረ!!
- ዲብ ጃፓን ለሐኪይም እግል ሐቱ ንሳለ ሰኒ ረዩም ወምን አፋህ እንዴ ፈግረ 13 ሰንቲ ምትር ድልዱል ለዐለ ወለት ዐመልዩት እንዴ ወደው ሓጨረዉ እለ። ለንሳለ በሌዕ ከልአዩ ወህግያሃመ ክም ኢትትፈሀም ዋድህ ዐል!!
- ዲብ ኢጣልዩ ዎሮት መትንዕያይ መንተሌ ቀትሉ። ከእለ እለ ቃትል ዐለ መንተሌ እግል ለሀርስ ለመንዱቁ እት ምድር ከረዩ። ሐር ለክልቡ ህዩ እበ እግሩ እግለ ዝናድለ መንዱቅ ሰበት ኬደዩ ሐቱ ረሳሰት ፈግረት ምኑ ወእግለ እናስ እተ መሸንገሉ አድመዐቱ!!

ጣዓዋ

ምንክ ወለዐል ታጅር ላቱ ነፈር ክም ሀለ ዶል ትሰሚዕ ብዞሕ ለለአትፈክረክ ጋር ኢኮን። ምናተ ምንክ ወለዐል የም አለቡ ማል ለመልክ ሔዋን ሀለ ዶል ልብሉክ ላጋር ሰኒ ልትገውኔ እትኩ። እሊ ጋር እሊ አማን ቱ ምን ልብሉክ ህዩ ሚ ትብል? ጃንሰር ለልትበሀል ምን ፈሲለት መውዕላይ አክላብ ላቱ ከልብ። 372 ምልዮን ዶላር ለጉብእ ማል ዐለ እሉ። እሊ ማል እሊ ምን ሐቱ ወለት አልማንዩ ላተ እሲት። እግሉ ወእግል ኣቡሁ ለአውረሰቱ ማል ቱ ዐለ። እሊ ከልብ እሊ ሐቱ ዶል ምነ እምርት ላተ ማዶነ ለትትባህል ሔልያይት ሺለት ዙቡይ ክም ዐለ ልትአመር።

ምህም መዕሉማት

- ዎሮት ወድ አስትራልዩ ላቱ ምጅርም እዕዳም ሰበት ተሐከመ እቱ። እንዴ ትሸነቀ እግል ሊሙት ትቀረረ። ሐር እግል ልትሸነቅ 3 ዶል ጀርቤታት ጉብኦ። ምናተ ሰልሲቱ ጀርቤታት ሰበት ፈሸሰ። ለዕቁቡቱ እንዴ ትሸበህት እሉ ምን ሸንቆ እት ሰጅን መአበድ ትበደለት እሉ።
 - ምስል ክሉ ምዱን ግበእ። ወምስል ብዝሓም እጅትማዓይ ግበእ። ወቅሩብ ሐዳም ግበእ። ወመሰኒ ዎሮት ግበእ። ወእግል ዎሮትመ ኢትትዐዳዌ።
 - ሐቱ ናይ ዕልም ነፍሰ ላተ ዝዘርዩት ለተሀድገ አማን ህሌት። ህተ ክምእነ ትብል። ወድ ኣደሚ ዐዛቢ ጉብኦ ምን ጉብእ። ክሎም እተ ባኩ ለህለው ሁዱያም ላቶም ኣንፋር ልዉቃም ለህለው መስሎ እቱ...ወሃዲ ጉብኦ ምን ጉብእ ህዩ። ክሎም እት ባኩ ለህለው ዐዛብ ልዉቃም ለህለው መስሎ እቱ።
 - ሐቱ ሰኒ ርብሸት እት እንተ ለረኡካህ እሲት “ሰብር ወደይ ወኢትሕረቂ ቴልካህ ምን ጉብእ”። ለሓለተ ሰኒ ወአማን እግል ትትመክረህ ቱ ወእግል ትሕረቅ ቱ።
 - 75% ምን እት እለ ኣዲነ ለህለው ሔዋናት አስክ እለ አሳሚ ህዩቦም ኢኮን።
 - ዎሮት ሰምክ ለነቅመ ክም ሀለ እንዴ መሰለ እትኩ። ከምን ትዋለብኩ። ዎሮትመ ለነቅመ ክም የሀለ ዶል አመርኩ። ብዞሕ ኢትትሻቀል። እሊ እንተ ለዐቅልክ ሰኒ ዑፋይ ክም ሀለ ለለሐብር ጋር ቱ።

ተበሰም

ሐቱ ወሌተት። ዐምሳት ለዐለት እመ። እለ እት ከብድዩ ልህሌት ሕነት ወለት ጉብኦት ምን ጉብእ። ኣስያ እግል እስመያ ቱ ቴለተ። ሐር ለወለት መድረሰት ክም ጌሰት። ለምደርሰትለ ጀግራፍ። ኣሰዩ እት አዩ ትትረከብ እት ትብል ዶል ትሰኦለት። እዴህ እንዴ ረፍዐት። እት ከብድ እምዩ ትትረከብ እት ትብል በልሰት።

በህል

በህል

- እብር አምዕል ለእሲትክ ፋቱረትለ ተእምናትክ...ቀደም ወቅተ እግል ትድፈዕ ለአንበተት እቱ ወቅት ቱ ለመጽእ!!
- ገሌ አዳም እትለ ሐልፈ ወቅት ነብሮ...ወለምስምስ ህቱ ሰበት ረክሰ ቱ!!
- ህቱ እብ ክሱስ መደረት አትነኖት ብዞሕ ቀርኢ...ከእብሊ ምስምሳ ቱ ለምን ቅራኣት በጥረ።
- ሐቱ ሰንዐት ህሌት ማል ለኢልትዛበዩ...ህተ ህዩ ሕግላን ተ!!

ምን ኣምሳል ገባይል

- ሕኔት ገሮብክ እብ ሰርጎ ተኣትጋርም ዐቅልክ እብ ዕልም \ ሰሉሐ።(ሲንዩን)
- ዐጅብ ኖስ ዒማቱ ጀሀል ቱ። (አሰባንዩን)
- ጀነ እምበል አብ ሰር የቲም ቱ። ወጀነ እምበል እም የቲም ታምም ቱ። (ፈንለንድዩን)

በህል እ'መራም

- “ወድ ኣደሚ ዲብ ጃርዲን ዐውቲ እግል ልብጸሕ ጉብኦ ምን ጉብእ። እት ሰልፍ እብ መሓጣት ተዐብ ወፈሸል ወቡቲክ ሰእየት እግል ልሕለፍ ብዲቡ። በዐል እራደት ድቅብት ህዩ ዲብ እለን መሐጣት እለን ብዞሕ ኢበጥር።” (ጆን ተሻርልድ ሰላላክ)
- “ልብ ግሉል እት አፋሁ ቱ። ወንሳል ለቢብ እት ልቡ ቱ።” (ጣርቅ በኒ ዝያድ)
- “ከብድ ሐቆ በርሀት። ብዕዳም ጋራት ክሎም እግል ልሰነው ቀድሮ።” (ቅሮሴህ)

ዝበድ ዘየታት

ክመ ሐቱ ኢሳሚዕ ወኢርኢ ትም እትብል ገበይክ አተላሌ። ወክመ ሐቱ ኢፍህም ትም ውዲ። ወክመ ኢርኢክ ወኢሰምዐክ ምን ክሉ አምሸሸ። ወክመ ኢትፈቅድ ትረሰዕ። እብለ ገበይ እለ እንተ እት ረህዩት ወእት ሰላም ትንብር።

መዕሉመት

- ዜድ ወማይ እትሕድ ለልትሓበሮ እቱ ዎሮት ቴለል ሀሌ። ህቱ ህዩ ለማይ ወለዜድ ዲብ ሕድ እንዴ በለሰካሆም ምስሉም ሳቡን ዶል ተሓብር እቶም ቱ።

መቃበለት ምስል ሰፊር ተሰፋሚነኤል ገራህቱ - ምን ውዛረት ካርጅየት

ምን ውዛረት ካርጅየት ሰፊር ተሰፋሚነኤል ገራህቱ ምስል ቅደይ መፈውድየት ተሕቂቃት ሕቁቅ አደሚ ወፍገሪተ ለልትጸበዋ ናይለ ሀበዩ ተውዲሕ ካልኣይ ክፋሉ እሊ ተሌ ቲ።

ሰኣል፡ ጽበዋለ አግደ ሸካዊ ሚ ቱ? እሰባታት እንዴ ትበሀለ ለትቀደመ ህዩ? እሊ ሸክዋት እሊ ለኣትበገሰት ኣጃንደት ሕብዕት ህዩ ሚ ትመሰል?

እሊ ኩሉ ጽብኢታት እንዴ ሐዩብከ ዶል ትርእዩ፡ ደውለትን እግል ንብኔ እንወድዩ ለህሌን ወቀይ እግል ዐናቃፍ ወሐባለኩት፡ እግለ ሕር ገበይ ሰያሰት ናይ እለ ደውለት ወሕር ዐቦት ሰያሰት እግል ዐናቃፍ፡ ርሕነ እንዴ ቀደርነ እብ ናይ ኖሰነ ዐቦት እቅትሳድ እት ንትመረሕ መሰል ሰኔት እግል ኢንግበእ እግል ሀንእነ ለመጽኣ ቲ።

ለናይ መኔዕ ቅድየትመ ክምሰለ ብዕድ ናይ ጽብኢት ከዋዋት እት ለሐምል ሰበት መጽኣ፡ እብ ከኣፎ ኤረትርየ እት አምሆላል ናይለ መዝመት መጅልሰ ቅራን ወመጅልሰ አምነ ክም ተኣተላሌ እግል ዊደተ ኦሮት ምነ ሸቀው ዲቡ ቲ። ቅድየት ኤረትርየ እብ ሐዲሰ እት መጅልሰ አምነ እግል ተኣቅብል ወሐር መጅልሰ አምነ እት መሕከመት እግል ትቀድመ ... ለመሰል ተማሲል መጽኣ፡ እሊታት እቡ ክም ኢትሰርገለውሙ፡ ብዕድ ለአምጸአዉ በሰር ሀለ፡ እት አፍሪቀ እንዴ ትከፊከ - ሐሬ እተ ናይ ውሕደት አፍሪቀ እንዴ ተሐልቀሸከ ለእግል ትጽበጠን ለትቀድር እበን ሐኮካይ... ለልብል፡ እሊመ ኩቡቴ ኢረክበ።

ምን ንትዐወት እቡ እንዴ ቤለው ምን ቀጽሐር አውካድ ለኣትሻቡቡ ለጸንሐው ጀርቤታት ብዙሕ ሀለ፡ ኤረትርየ ክም ሐራን ወበዲል፡ ክእነ ምን ትወዴ ወክእነ ምን ትገብእ፡ እት ኤረትርየ መክተብ ሕቁቅ አደሚ ምን ልትከሰት... ውብዕድ። መክተብ መፈውድየት ሕቁቅ አዳም ህዩ እት ኤረትርየ እንዴ መጽኣ ሚ እግል ሊዴ ቱ? መሕከመት እግል ልግበእ ቱ ወለተሐቂቃት እግል ልንሰእ ለገብኣት ቃትንዩት ሰበት አለቡ፡ እሊ ለመሰል ጠለብ ህዩ እግል ንትከቡቱ ሰበት ይእንቀድር፡ እሊመ ምን ጽባብሐት ትነፈገ ምኖም።

እሊ ኩሉ እንዴ ሐዩብከ ዶል ትርእዩ፡ እግለ በራምጆም ምን ገብእ ወሸንሀቶም፡ ኣክል አዩ ጅህድ ክም ወደው እሉ ቱ ለልኣርኤ። ክልኤ ምስል እሊ እንዴ ኣትጸበዋን እግል ንርኣየን ለብነ ንቃዋ ህለዩ። ሐቲ፡

እብ ሰሜት ሕቁቅ አደሚ ተፍኪርነ እግል አሸካፍ፡ ለይሀለ አፍሪባት ቅደይ እት ተሀርሱ፡ ምነ ምድር ኤረትርየ እብ ንዛም ወያኔ ጽቡዋ እት እንቱ ወሐር እብ እድንያይ ቃትን ናይ ካቲመ ቀራር ለትሀየበ ዲበ ቅድየትን እግል ለአፍግሩኩ። ለካልእመ፡ እብ ክሰሰለ ተክዩ ብዙሕ እንዴ ተናከበ እሉ እት ኤረትርየ ለትቀረረ ዐዳለት ለአለቡ ምኔዕ እቱ እግል ኢንትሃኔ። ምን ክእነ ለመሰል አሳሲ ቅደይ ሕቁቅ አደሚ እንዴ አምሸሸው፡ እተ ነሀድጉ ለዐልነ ዕምቦ-ዝላምቦ እንዴ ትሸመምነ እት መዳፍዐት ምን ርሕነ እግል ንጽመድ።

ብዕድሙ፡ ምስል አግደ መባድእ ናይ ሕቁቅ አደሚ ናይለ እድንያይ ንዛም አውመ መዝመት መጅልሰ ቅራን ለትትበህል - እንዴ ቃረነ ምን እርእዩ ለሐይሰ መሰል እጅ። እት ናይ ሰያሰት ልግበእ፡ እቅትሳድ፡ እጅትማዕየት ልግበእ ወዓዳት፡ ኩሉ እብ ሐቲ ዕን እግል ልትረኤ ክምሰል ቡ ቱ ለእድንያይ መባድእ ለሰሚሕ። ሰላም ወመፋሀመት፡ ሕቁቅ አደሚ ወዐማርመ እንዴ ፈናቴክ እግል ልትረኤ ለአለቡ አሸየኦ ቲ። እትነ ክም በጽሐ ሳኪን፡ “ኤረትርየ ናይ ካርጅ ጽብኢታት እንዴ አንተሀዘት ሕቁቅ አደሚ ትካይድ ህሌት፤ ሰኣል ሕቁቅ አደሚ እግል ተኣንትሀዘ ትዋዋን ህሌት፤... እት ልትበህል ቱ ወለት-ገበይ ትትሐዜ ለህሌት።

ቀራራትለ መዝመት እብ ፍዕል፡ ድወል እብ ክልኣት ዕስ እት ትርእየን ሀድፍ እንዴ ወዴኩ እት ብዕድ አህዳፍ ሰያሰት ክም ትትነፈዕ እቡ እት ገብእ ልትረኤ ሀለ። እት ኤረትርየ ሌጠ እንዴ ኢገብእ፡ እት ብዝሓድ ድወልመ እት ብዕድ መሳሌሕ ሰያሰት እት ልውዕል እንርእዩ ህሌ። ህቱ ቱ ህዩ ለዲብከ ወእት ብዕዳት ጀሬ ለሀ አከይ-ገብእ። እብ ገበይ ፈናታይ እት ግዋሬከ ለኣከ መሻክል ሕቁቅ አደሚ እት ጀሬ ዲብ ሀለ፡ እግለ እግል ተሃጅመ አውመ ተኣውድቀ ለሐዜክ ደውለት፡ መሻክል እንዴ ፈብረ’ከ እለ ትሸክዩ።

እተ ደውለት ለመጽኣ ተጠውር እለ መጽኣ ልምጸእ ኢከሰሶም። መሰለን፡ እት ኤረትርየ የም ለአለበ ክሰኣት ማል ወጸገም ለገብኣው እቱ መትቀዳም ጋብእ እት እንቱ፡ እት ሸዑብከ መንበረት ሕሸመት እግል ተኣማድድ እንወድዩ ለጸንሐከ ወሀሌን ጅህድ ርኡይ ዲብ እንቱ፡ እግሎም ኢለሀምሞም። እተ ለሐዝወን ለህለው ርበሽ ለከልቀ እሎም ቅደይ ሌጠ ለኣተርግዙ። ምን እሊ ለትኣኪ ኪደት ሕቁቅ



ህዩ ይህሌት።

ሐር ህዩ እትለ እዲነ ለገብኣት ንኢሽ ትግበእ ወዐባይ ምሽክለት ሕቁቅ አደሚ ለአለበ ሰበት ይህሌት፡ ‘ክሊነ ውላድ ሚንኣድም ለናይ ሕበር መሻክልነ እብ ሕበር እግል ንፍትሐ መሰኡልየት ሰበት ብኩ፡ እት ቅድየት ሕቁቅ አደሚ እግለ ሐቲ ወእግለ ብዕደት እት ተኣትካፍእ እንዴ ኢገብእ፡ እት ትትሳዴ ወትትፋህም እግል ትባልሐ ወጠኖት እግል ልግበእ ክምሰል ቡ ለትጀብር ንቅጠትመ ህሌት እተ ሄራር ሕቁቅ አደሚ።

እብ ዓመት ለቅድየት ምስል እለ ንቅጠት እለ ትገኣት እት ህሌኩ ናይ ኤረትርየ ወሸዐበ ሐቅ ሰያደት ኪደት በሀለት ቲ። መኔዕ እት ኤረትርየ ዊደት ህዩ፡ ሐቅ ዐማር ኪደት በሀለት ቲ፤ ናይ ዐቦት ወመንበረት እብ ሰላም ሐቅ ኪደት በሀለት ቲ።

ሰኣል፡ እሊ እግል አፍሻል ለወዴናህ ቅራመት ሰያሰት ትግበእ ወዲፕሎማሰየት ሚ ትመሰል? ፍገሪተ ህዩ ከኣፎ ትቀይመ?

እት ካርጅ ምን እንረኤ ለጅህድ ሰያሰት ወዲፕሎማሰየት እተ ኣካኑ ዲብ ሀለ፡ ለምህም ለናይ ከርሰ ዐዋምል ቲ። ሐለት ሰባት ናይ ሸዑብ ወሕኩመት እት ቀበት ዐድ ወካርጅ ቱ ለምህም። እትለ ደውለት ለእግል ሕሸመት ሐቅ አደሚ ለገብእ ንዳል ምን ገብእ ወመጅሁድ፡ ወለዲብ ኤረትርየ ለትረኣ ተጠውራት እብ ድድ ናይለ እንሸርሐ ለጸንሐከ ጽብኢታት ሰበት ቲ፡ ለልሐብኖና ቲ።

እትሊ ሰኔ እግል ንፍሀሙ ለብነ ሸይ፡ ለአህዳፎም ኩሉ ሃምር ክም ሀላ ቲ። እሊ ኩሉ እንብሉ ለጸንሐከ

ጀርቤታት ወኣሎባዋ እተ ሀደፎም አብጽሖቶም አበ። ብንዩት ደውለት ሄራር ሸጋብ ብዙሕ ተ፡ መሰኣለት አግማም ተ። ወቅት፡ መትካም ወመቅደረት ተልብ፡ ምናተ እትሊ 27 ሰነት ህዩ ምስል ኩሉ እሊ መሐለኪት ጽብኢት ሐድ ኢኮን ሻግባሙ ለህሌ።

ዲፕሎማሰየትን እብ ኩሉ አሸናክ እብ ውዛረት ካርጅየት ሌጠ እንዴ ኢትገብእ፡ እብ ዐቢህ ምነ ሕኩመት ወሚርሓየ እንዴ አንበትኩ ክል ውዛረት ናየ ሐዙት ወመሰኡልየት እንዴ ነሰኣት፡ እሊ ጽብኢታት እት ቂመት እንዴ ኣቴት ተ ለትሸቄ። እሊ ኩሉ ፊራሪታት ሸዑብኩ፡ እተ ክምሰልሁመ ለዲብ ካርጅ ነበር ሸዑብነ ለወደየ ዲፕሎማሰየት ሸዑብ ዲበ ሐዙት ክም ተህሌ እሉ ለገብኣ ጅህድ ተዐወተ እግል ኒበል እንቀድር።

ምን 2001 ወእንሰር ወራር ወያኔ ክም ፈሸለ፡ መሰለን፡ እግል ኤረትርየ እት ከርዶን ዲፕሎማሰየት እግል ለኣትዋ ቱ ለሐዘው። ምነ ገለድ መሰለሰ እንዴ አንበትኩ እብ ጅንሰ ጅንሱ ለገብኣ ጀርቤታት ዐለ። ምን እሊ ሸረክ እሊ እንዴ ፈገርነ ህዩ፡ እት ብዕድ ወራታት ደውለትን ዕዱያም ህሌ። ለቅድየት እት ቀበት እሊ ኩሉ ተፍኪር ወእስትራተጅየት እንዴ ኣቴት ቱ ጅህድ ገብእ ዲበ ለጸንሐ።

ወለ ዲብለ መትካም እብ ደረጀት መንጠቀት ልግበእ ወእዲኩ እት ኣዲሰ አበበ ዲብ እትሓድ አፍሪቀ፡ እት ብራሰልሰ ምስል እትሓድ አርብ፡ እት ጀኔሽ ምስል ቤት-ጎማት ሕቁቅ አደሚ ውብዕዳት ዲቡ ለህለየ


አጅሀዘት መቅልሰ ቅራን፡ እብ ኩሉ ለልትቀደር አግቡይ ቱ እግል ንሸቄ ለጀረብኩ። እሊ እግል ነዘሞት ህዩ ጅህድ ብዙሕ ገብኣ፡ ለመትጸጋም ህዩ ፍገሪት ሃይብ ሀለ እግል ኒበል እንቀድር።

ለብዕድ እግል ኒደዩ ለብነ እት አተራድ ልፍን ቲ። ሕቁቅ አደሚ መሻቀዩ ሰያሰት ቱ ጋብእ ለሀለ። እትሊ ህዩ ለልዓውትነ ወነግውኖም ሰብ ሸርከት እግል ንሕዜ ብኩ። መጦርነ ለገብኣ ወመጦርም ለእንበዋር። ሳልሰ ህዩ፡ እለ ቤት-ጎማት ሕቁቅ አደሚ ምነ ናይ በዲር መፈውድየት ሕቁቅ አደሚ ለበቅለት ተ - ህተ ሸቂ ክም ኣቤት ቱ እት ሰያሰት ብድልት ለህሌት። ሰበት እሊ ለነሰኣናህ ከዋወት እብ ቅድየት ኖሰነ ሌጠ እንዴ ኢገብእ፡ ክምሰልህ ሀድፍ ለገብኣየ ድወል ብዝሓት ሰበት ህለዩ፡ ምስለን ምስንዮት እንዴ ወዴነ እት ቀበትለ ቤት-ጎማት ክልቅት ለህሌት አዝመት ክም ሰኔ እንዴ ወዴኩ፡ እቡ ህዩ ቅቡልየት ኤረትርየ ክም ዘይድ እግል ትግበእ ጅህድ ገብእ ሀለ። እብ ደፋዩ ለገይሰ ሸቅል ቱ ላኪን ፍገሪት ትትረከብ ምኑ ህሌት።

ዮመቴ - “ኤረትርየ እብሊ እንቱም ትቡሉ ለህሌኩም ለትትወሰፍ ኢኮን፤ እብ ሰበተ ልትበህል ለዐለ ኣትራዛቅ ብዲቡ፡ ክእና ቲ፡ ክምሰልሁ ይዐለ...” እተ ልትበህል ዲበ ደረጀት ብዙሕ ሀለ። ለቀደም 6 ሰነት ልግዕሮ እቡ ለዐለው ከላሰ ሐምለ እግል ኒበል እንቀድር። እሊ ህዩ ክም ሰልፋይ ዐውቴ ለልትረኤ ቲ። ካልእመ፡ ሕነ እግል ንሸቄ ምስለን ለእንቀድር ድወል ህለዩ፡ ምስለን እግል ንሸቄ ዕላቀት ዋድያም ወኣርደት እጥፍሓም ህሌ። እሊመ ለካልእ ፍገሪት ሰኔት ቲ። ለበደለ እግል ልክለቂ ለወደወ ጀርቤ፡ በሀለት ‘እለ እት ረኣሰኩም ለህሌት ሸክወት ሰበት ፈሀምናህ፡ እግል ራቀቦተ ጀላብ እግል ልሰዴኩ መክተብ ናይ መፈውድየት ሕቁቅ አደሚ ውቅል እንሰር ምን እንክሰ...’ ለትብል ፍክረትመ፡ እታህ አቀለዐት - ከብቴ ለአለበ ሰበት ዐለት ነከርናህ።

እብ ዕእመት ዶል እንረኤ ህዩ፡ እት ለሐሰት ደረጀት ባጽሓም ህሌን እግል ኒበል እንቀድር። እግል ለዐምጽ ለሐዘ፡ መኔዕ እግል ኢልትረፈዕ ኣትራዩሞቱ ሀለ፡ ብዕድ ሐናካልመ ሀለ፡ ምናተ ሐበት እግል ሊደው ሰበት ኢቀድር፡ እት ደረጀት ሰኔት ባጽሓም ህሌ።

ትተላሌ...



ወፍድ ርዳደት ሩሰዩ ኤረትሮፕ በጽሐ



ኤረትሮፕ ወፍድ እት መጽል ርዳደት ለህሌት እግለን ሰዳይት እግል ለዓብዩ ለሰዳ ኢምሐበሮት ገብአ። መፈውድ ዓዳት ወርደደት ኤረትሮፕ ሰፊር ዘመዴ ተክሌ እብ መናሰበት መትሐዳር ሩሰዩ ካስ ዐለም ሰነት 2018 ምስል ሰፊር ፈደሬሽን ሩሰዩ እት ኤረትሮፕ ኢዚም ያረክሚዶቭ ምስል ምን ሩሰዩ ለመጽ ልኡክ ርዳደት እት ወደዩ መቅሬሕ።

ሩሰዩ እሊ ታሪካይ ላቱ ሐደስ ርዳደት እግል ትትሐደር ወድዩ ለዐለት መዳላይ እብ ዐውቱ ሰበት አትመመቱ አሰናይኩም እንዴ ቤላ። ክልኤ ለዐድ ለዐለት እግል ሰዳይት እት መጽል ርዳደት እት መትሓዳይ ሰብ መቅደረት ርዳደት ወጠወሮት በራምጅ ርዳደት እት ትወቀለት ደረጃት እግል ልትዐዴ ለህሊ መዳላይ እግል ልኡክ ሽርሐ እግሉ። ለወፍድ እንዴ መርሐ ለመጽ እመር መተልህያይ

ኩረት እግር ሩሰዩ ለዐለ ሚሰተር ዩሪ ማቱዩቭ እብ እንክሩ እት ጠወሮት ርዳደት ኤረትሮፕ እብ ዓመት ወእት ጠውሮት ወራታት ኩረት እግር ህዬ እብ ፍንቱይ ክሉ ለልትሐዜ ሰዳይት እግል ሊደው ወተጃርሶም እግል ለዐዱ መዳሊቶም አከደው። ለወፍድ እምበል እሊ ምስል አንፋር ለጅነት ተንፊዝዩት ፈደሬሽን ኩረት እግር ኤረትሮፕ እንዴ ኢምሐበሪ ሕድ ለሽብህ

ናይ ሰዳይት በራምጅ እቱ ሀድገ። ምስል እሊ ለእት ዮም 14 ጁን ሰነት 2018 ለልትአንበት እድንያይ ጅግረ ምስንዮት እግሉ ዱሉይ ለህሊ ጅግረ ኩረት እግር ረአ። እት ናይ ምልህዮት ትልህዩ ኩረት እግር ፍረቅ ኮሚሽን ዓዳት ወርደደት ኤረትሮፕ ወዛረት ካርጅዮት። ሰፋረት ሩሰዩ እት ኤረትሮፕ ለመርከዘን ብዕዳት

ሰፋራት ለሻረከዩ እቱ ዐለ። እት ካቲመለ ጅግረ ለትዐውተ ፍረቅ ምን እዴ መፈውድ ዓዳት ወርደደት ኤረትሮፕ ሰፊር ዘመዴ ተክሌ። ሰፊረእ ሰፋራት ሩሰዩ። ምስር ወቻይን ጀዋእዞም ትከበተው።

ዕላቃት ዓመ ኮንፍደራላዮት ዓዳት ወርደደት ኤረትሮፕ



ሻምፕዮን ኩረት እግር መዲነት ደቀምሐራ ተመ

እግል ሐድ ሰለስ ወሬሕ እት መዲነት ደቀምሐራ ገብእ ለዐለ ጅግረ ሻምፕዮን ኩረት እግር

ለመዲነት ለሐልፈ አውካት እብ ነያረት ተምመ። እት መትመሚላ ጅግረ 1ይ

ዲቭዝዮን ለትዋጀህ ፍረቅ ማይ ወርቂ ወሀዳሙ ጎል እንዴ ኢልኡቱ ምን ሚዳን ፈግሮ እት ህለው። ፍረቅ አምሁር ወመጸሉመ



እግሎም እት መሰሎ ትልህዩ 0 እብ 0 አትመመው። እብ አሳስ እሊ ህዬ ለደዓም ጅግረ ሻምፕዮን ለአኩበት እት ህላ። ሌጠ ቅልብ ለትሓወለ ፈሪቅ መጸሉ እት 14 ጅግራታት ሰበት ተዐውተ ሻምፕዮንል ጅግረ ገብአ።

ነቅፈ ወመዳልያት ነሐስ ለነስአ ዐለ። እምበል እሊ መሃጅም ፈሪቅ ማይ ወርቂ ዮውሃን ጨዳይ ሀዳፍለ ደውሪ እንዴ ትብህለ ጃእዘት ነስእ እት ህላ። መደርብ ፈሪቅ መጸሉ ኤርምያስ በርሄ ህዬ ለሐስ መደርብ ትሰመ።

እብ አሳስ እሊ ፍገሪት እሊ ህዬ ፈሪቅ እዳረት ዳሕዩት መጸሉ ካስ ዓሳይ። መዳልያት ደሀብ ወ30,000 ነቅፈ ጃእዘት ትከበተ። ፈሪቅ እዳረት አምሁር ህዬ 2ይ እንዴ ፈግረ 25,000 ነቅፈ። ካስ ምግባይ ወመዳልያት ፍደት ተህዩበ። 3ይት ደረጃት እንዴ ጸብጠ ካስ ንኡሽ 20,000

እሊ ክእን እት እንቱ እብ መናሰበት 27ይት ሰነት ሕርዩት ገብእ ለዐለ ጅግረ ዐጀላት መዲነት ደቀምሐራ ተምም እት ህላ። ናይ 1ይ ዲቭዝዮን ጅግረ ሚሮን ቦክሬጽዮን። ኤፍሬም ሰለሙን ወበረከት ተክኤ እብ ቀደም ትሌ ምን 1ይ አስክ 3ይ ለፈግረው ቶም።

ወራታት ርዳደት ሚካናይዝ-74 ትሰርገለ

ክፈል ዴሽ ክቡድ ሰላሕ 74 (ሚካናይዝ) ወድዩ ለዐለ ወራታት ርዳደት ናስ እንዴ አትመመ እት ወሬሕ አጎስት ለገብእ ጅግራታት ቅዋት ድፈዕ ኤረትሮፕ። መቅደረት መጃገረቱ እግል ልወቅል እት ክፈል ዴሽ ወድዩ ለዐለ ጅግራታት እት ሐልፈ ቅሩብ ወክድ እት ሚዳን ዓሽ ጎልጎል ለትዋጀህ ፍረቅ ኩረት እግር ህዮ ፈርዕ ሎጀስቲክ እግል ቱክኒክ ዓሽ ጎልጎል ለወክለ ፈሪቅ አዶብሓ ዐለው።



ጅግራሁ አትመመ። ፈሪቅ ህዮ እት 40 ደቂቀትለ ትልህዩ እብ ረድ ፍዕል ህጁም እንዴ ተላቱ መተልህያይለ ፈሪቅ ናሆም ደውሃንስ እበ ሰጀለዩ ጎል ቱ እግለ እት ሚዳኑ ወምግብ መሰጅዒኑ ለዐለ ፈሪቅ አዶብሐ እግል ልቅለብ ለቀድረ። እሊ ጅግረ እሊ እግል 5ይ ዶሉ ገብእ ለህሊ እት ገብእ። ፈሪቅ ሚካናይዝድ ላቱ ሰንዋቅ እግሉ ለሰዱ መተልህዮት እግል ሕርዩት ለአመመ ክምቱ ትወደሐ። ድፈዕ ለወድዉ ወራታት ሰዳስት ወዓዳት ክም ተ ለሽርሐ

ቃይድ አርካን እዳረት ሚካናይዝ-74 ሌተናል ኮሎኔል ጎይትአም ተክሌ እት ክሉ አፍሪዐትለ ዴሽ ክም ልትሰርገል አፍሀመ። ሌ/ኮ ጎይትአም። ዮም ምን ሐልፈ ወክድ ለሐስ መትዳላይ

ዋድያም ህሌን። ክሉ ክፈፍል ዴሽን እት ህለ እቱ አካናት ለልትሐዜ መዳላይ ዋዴ ህላ። እሊ ህዬ እትሊ እት መጽእ ህለ አውርሐት ለገብእ ጅግራታት ቅዋት ድፈዕ ኤረትሮፕ እንዴ ሻረክን ፍገሪት ሰኔት እግል ነአምጽእ ሰአዩት ለልአወዴናቱ ቤላ።

መርኮ ካስ ዐለም 2026 እግል ትትሐድር ትሰአለት

ጅግራታት ካስ ዐለም ሰነት 2026 እግል መትሐዳር ንዮት ታመት ክም በ ለሐበረት እት ቅብለት አፍሪቀ ለትትረከብ መርኮ ናይ መትሐዳር በክት ተህዩበዩ ምንገብእ ለጅግረ ምስል እት አርብ ለገብእ መዳላይ ካስ ዐለም እግል ተአትመግውሩ ለልአተቅድረ መዳላይ እግል ቲዴ ክም ቱ ሻርሐት ህሌት። ህተ እሊ ንቃሽ እሊ ተአቀርብ ለህሌት ምን ሲፓዮ 14 ኪሎ ምትር ሌጠ ራይመት ሰበት ትትረከብ ድወል አርብ ክም አግደ ሴድዮተ እግል ትትዐውት ትትነፈሪ እበን ክም ህሌት ቱ ልትሸረሕ ለህላ። እግል 5ይ ዶለ ለበክት እግል ትርኩብ አትፋዝዮት ትወዴ ለህሌ መርኮ። እግል እንዴ ትሳደዩ ለጅግረ እግል ለኡዳዩ ለሐዝዩ ለህላዩ ከነደ ወአሚሪክ መጃግረት ፍንቲት ትትከበተ ህሌት። እበ ህሌት እግለን ብንዮት ትሕትዮት ለጅግረ እግል ልትሐደረ እት መጃግረት ለህላዩ 48 ደውለት ምንን ክም ትትዐውት ትሸሬሕ ለህሌት መርኮ። እት ግረ 2 ሳምን ለትገብእ ሂበት ክርን ድወል 200 አንፋር ፊፊ እግል ትትሐድርቲ።





ዐድ ከእብ ዐዱቱ



= ከዋርዕ፡ ለትፈተ ናይ ዓዳት ነብራቱ። እሊ ለምን ሸካኒ ዐጣል አው አባግዕ ለልትሸቄ መረቅ ጉበእ እት ሀሉ፡ እብ በኑ ሰትዉ አው ባኒ ረጭቆ ዲቡ። ከዋርዕ እግል ዐመሲ፡ አጀኒት ወረጡብት ለቦም አንፋር ዝያድ ክሉ ክም ነፍቶም ለአምኖ።

= እት ኮርየ “ሳናካጃ” ለትትበህል ጅንሰ ነብረ ህሌት። ‘ሳናካጃ’ ለልትበህል ነብረ፡ አክቶቡሰ (ምን ሐዋናት በሐር) እንዴ ኢመይት እባሁ እት ሸሓን ለሀይቡካቱ በህለትቱ ሐቆ እሊ እብ ሰኒን ቀርጭ ወትበልዕ ምኑ። “ብዮንዲጃ” ህይ ምን አብግበቀ ለልትሸቄ ለትፈተ ጅንሰ መረቅ ጉበእ እት ሀሉ፡ እት ቻይኑ ሼትናም ውበዕድ ድወል አሰየ፡ ሰገ ወንዋያት ኩብድ አራዊት ብልዐት ልሙድቱ።

= ህንድ ሐቲ ምነ ሕቁቅ አዋልድ አንሳት ለካይደ ድወል ምንማተ፡ “ኻሲ” ለትትበህል ሐቲ ምን ቀባይል ህንድ ላኪን እብ ድድ እሊ ኩሉ ተየልል አምዕላይ መንበሮሆም እብ አንሳት ለትዐመማቱ። ህቶም እግል አዋልድ አንሳት ደረጀት ዕባደት ባጽሓም እተን ቶም። እተክምሰልሁመ አንሳት አተላላይ ዘርእ ወድ አዳምተን ልብሎ።

እብሊ ሰቡበ እሊ ህይ እትለ ቀቢለት እለ ወለት ውልደት ክም ህያብ ዐቢ ሰበት ልትነሰእ ዋልዴን ወለት እግል ልውለዶ አው እግል ለአልእሞ ልትባደር። እብ ቅባል እሊ ሕጻን ዶል ወልዶ ለጉብአት

መናሰበት ኢወዱኒ። ለሰቡበ ህይ፡ እትለ ቀቢለት ‘በደል ሕጻን ውልደት ሸሉ ውልደት ትትፈደል’ ለልብል በህል ሰበት ቦምቱ። አይ ጅነ እብ ሰም እሙ ልሰሚ ወማል እሙ ወርሰ። እት ቀቢለት ውላድ ተብዕን እምበል ልባሶም ወዐጀለት ብዕድ ዐፍሽ እግል ልተውቦ ኢልትአጀዝ እግሎም። ለልትሐረሰ ግረህ ወአብያት ሰከን ሰበት አለቦም ህይ፡ ምስል እሞም አው ሐዋቶም ነብሮ። እብሊ ህይ፡ ለእሲቶም ለትቆልጡ እግሎም መቅየስ እት ልጸበሮ ነብሮ። ውላድ ተብዕን እት ጋራት ናይ እስረቶም ወቀቢለቶም ረአዮም እግል ለሀቦ ኢልትአጀዝ እግሎም። ለለአትፈክር ሰብ ተብዕን ናይ እለ ቀቢለት ለምን ቀደም አምኦት ሰኒን ለወርሰዉ ለመድ፡ ምን መስኡልየት ወተዐብ ንጃዮም ክም ህለ ሰበት ለአምኖ፡ ምን ልቦም ክቡታሙ እብ ግብአቶምቱ። እምበል እት ገሃዊ ውበዕድ አካናት መትፋግዒ ውዒል ወሊከ አንሶም አክበሮት ብዕድ ለእቱ ልትሰአው ሸቅል ወመስኡልየት አለቦም።

= ብርጣንዮን፡ እብ ሐሽሞት ሪገት እሙራም ቶም። ወለ ክልኦት ምኖም እት ሐቲ አካን ዶል ልትራከቦ አወል ለመጸ አውለውየት ልትሀየብ። እት አካን መዋሰላት ልግበእ ወእት አካናት ክድመት ለለሀይብ መአሰላት፡ ሪገት እንዴ ኢትወዴ ሕልፈት ክም ዔብ ትትነሰእ።

= እት ብርጣንዮ ምልክየት ጼውመልክ ላቱ ዐፍሽ እምበል

እጃዘት ተምተሞት፡ መምኑዕቱ። እብሊ ሰቡበ እሊቱ ህይ፡ መጀልበት ዓሰ እት ብርጣንዮ፡ “ሾርትኖሽ” ለልትበህል ዓሰ ክም ምልክየት ዓይለት-መልክ ለልትአመር ወለእብ ቀለሞ ከለበዉ ምን ጉበእ እት ረአሰ መልክ ወጸዋሁ ለህሌት እግሎም ሕሽመት እግል አርአዮት እት በሐር በሉሱ።

= እት ብሩር ሰዑድዮ፡ ለነብረ አንሳት ገጸን፡ ወለ ምን ሰብአን ወክሎም ውላድ ዐድን ሰበት ገልብባሁ፡ እምም አው ለጉብአት አዳምም ፍላጎት ግርምተ ሐቆ ቤለቶም ገጸ እንዴ ኢልርኡ ለሀድወን ወዲመ ገጸን እንዴ ኢልርኡ ነብሮ ምስለን። እናሰ ገጽ እሲቱ፡ ህተ ቀደሙ ሞተት ምንጉበእ ሌጣ ቱ ለልርእዮ። ለጉብአት ወለት ህይ ምን ዕምር 11 ወለዐል ሕጻን ገጸ ኢተአርእዮ። እሊ ቃኑን እሊ እንዴ ኬደ ገጽ እሲቱ እግል ልርኡ ለጀረበ እናሰ ህይ፡ ክም ሓድገ ሰበት ልትነሰእ ሐቀ እንዴ ሀቦየ ሳርሐ።

= እት አዋራፍ ምፍጋር-ጸሓይ ህንድ ለልትረከብ ቀባይል፡ ‘ሞት ለሐሰት ምዕራፍ እት ሐያት ወድ አዳም” ክምተ ሰበት ለአምኖ፡ አዳምም ዶል መይት እብ ከባቢር ወለውቀት ሳርሕዉ። ጅነ ዶል ልትወለድ ላኪን እብ ጽራር ወሐዘን ልትከቦቱ።

= እት ጀዘረት አንድማን፡ መብላት አስክ ካልእ ዶል ልትሀደዮ፡ ሐንገለ ለሞተው አብእስተን እት መሸንገለን እግል ልርፈዐ ለጀብር ቃኑን ሀሊ።

ምን ዳያሪ

ብሽራት ጽብሕ-ምድር

4/5 2018 አስመረ

ከፎ ትመዩኪ ዳያሪዬ፡ ሰኒ ፋርሕ ሰበት ህሌት ለጉብአት ሐረከት ጋሻይት ምንመ እወዴ ኢትጽበጢ ዲብዬ። እግል ሚ ፈርሐት እግል ኖሰ ሰከር ሰበትተ። ለለአትፈክር ላኪን ፈርሐት ወሸቀላት ዲብ ገሌ ሓጃት ልትማሰለ እብ ግብአተንቱ። ፍጠን ከትሃጌ ትበይ? አማንኪቱ፡ ፈጥን ሰኒ ቱ ላኪን፡ ቃፍል ወፋዮን ሚቱ ፈርጉ ወቅያሱ አኪደት ሰበት አለብዬ ብዘሕ እግል እትሃጌ ይሐዜ ወምንመ ሐዜ ይእቀድር። ዲብ ሐቲ ሓጀት ላኪን አኪደት ክም ብዬ እትዘን። አነ ክም አዳም ፈርሐት ወሸቀላት እት ተጃርብ ሐያቹ ርኡክወን፡ አዳወርክወን ወእብ ክሉ እንክረን ባለስክወን፡ እብ ብዘሕ ሓጃት ትማሰለየ ዲብዬ። ምን ማሌ ሓለትቹ ከፎ ክም ዐለት ወለህ ምንዬ ወለዐልመ እንቲ ተአሚረ። እግልሚ፡ እብ ተፋሲለ ወእት ዶለ እት አግጽትኪ ውቁር ሰበት ህሊ። ለምን ክሉ ልብዬ እፈትየ በዐል ሻምዬ ሰበት ትባረደት ምንዬ ሰካብ አምዕል በዲሩ ይዐለ እግልዬ ወሰካብ ላሊ ሸቀላት አብዱቱ ምንዬ። ሐዩ በዐል ሻምዬ ሌጠ ኢኮን፡ ሐዩ፡ ሚልካይት ሐያቹ፡ ለዘት ሀለዮቹ፡ ሀደፍ ነቢርዬ፡ ዒን እንሳንዮቹ፡ ቆሪን ረሐመትቹ ፡ መፍትሕ ሽዑርዬ፡ ናይ መንፈስ ወሰገ መልህየትቹ. . . ተ። ዳያሪዬ ገበይ አሪምቡ ብኪ። አማንተ፡ ሓዩ ዶል እፈቅድ ክሉ መዋሲር አፍካርዬ ምስል ሰበት ልትፈተሕ፡ ለብዕድ ሽዑርዬ እበ ውሒዙ ገርብ። ከእብ ሽቃለ ሰካብ ባዲ ምንዬ ምንመ ዐለ፡ ጽብሕ ምድር ናይለ ክሉ አያም ትም ብህልቱ ለዐለት ለትወክል ከበር ለትወዴ ርሳለት ከም ነድኦት ዲብዬ እት ፈንታዘ. ሀዋይል ፈርሐት አቲቱ። ፈርሐት ክም ሰሚተ ፈርሐት ምንማተ፡ እግል ትቅደረ ሐል ወደቅብ ትጠልብ። ላኪን ለእብ ሀማት ሹቱት ዐለ ሰካብዬ እብ ፈርሐርመ ምርኢክ አሰሩ ጉብኡ። ትርሃን ክሉ ሐቲቱ ምናተ፡ ትርሃን ፈርሐት ምን ለሐምቅመ እት ገንሕ ክም ትትሐለም ወዴከ። ትርሃን ሸቃል ላኪን ሸውዩ ክቡድ ቱ። ከፈርሐት ወሸቃል እብ ክእነ ለመሰል ሓጃት ልትማሰሉ። ለርሳለት ሚትብል ዐለት ትበይ? ወላሂ ምስጢርቱ ላኪን ምስጢርዬ እግልኪ ምስጢር ሰበት ኢኮን እግል አሰእለኪቱ።

“ሃይ፡ ሐቢቢ ዮም እት ፈሰል እስታዝ እንግሊዝ፡ ሻም ሚክም ቱ ክተቦ ወናቅሾ ብህልነ ዐለ። አዳም እግል ሻም እብ ብዘሕ ከልማት ወአውሳፍ እግል ልሸርሐ ጀረበ። ሰሩ ሐምስ ገጽ ከትብ ወሰሩ ዐስር፡ አነ ላኪን እምበል ተዐብ፡ እብ ክልኤ ከልመት ሸርሐክዉ። ሻም ሐያት ቱ ወሐያቹ ሙዳ ሰበትቱ እግልዬ ሻም በህለት ሙዳቱ፡ እቢ። እብ አማን ህይ ሻም እንታቱ ሐያቲ! አነ እግል ዲመ ናይክ አነ፡ እንታመ ናይ ግበእ እግልሚ፡ ናይ ሐያት ስታትዬ ሰበት እንተ። I love u for ever! Ciao..” ትብል ዐለት። አሃ ደያሪዬ አፎ ትም ትበይ ለሚዛንለ ከልማት ኩብደ ዲብኪ ወለሚ?

ሐዩ ክም ትፈቲኒ ቀደም ገሌ አሸሁር እስኢልትቹ ምንማተ፡ እተለ ሐልፈት ሳምን ላኪን ሸውዩ ባርደት ምንዬ ሰበት ዐለትቱ። እሊ ላኪን ናይ ወግም ዐለ እንዲኢኮን ህተ እብ ሚ ባርደት ክም ዐለት ኖሰ ደልዩ። ዳያሪዬ፡ አነ እትለ እዲነ ምን ሐቲ አካን አኪደት ብዬ፡ ህተ ህይ እግል ሐዩ ክም እፈትየ ሌጣ ቱ። አዜ ዳያሪዬ አስክ እት ሐዩ በሊስ እከትብ ግርፊ። እ. ተለፋንዬ ተአድሂ ህሌት፡ አሃ ሙኑበህ ቱ ምድር ለዶል ሳዐት 6:00 አሰቦሕ ጉብኡ። አማንተ ሰከር ፈርሐት ሐቲ ኢልርኡ።

Moደ

ጠቢዐትቹ

ዕንታትቹ ቅሙጭ ወደሚርዬ ፋዝዕ
በራዬ ሰኒ ወጅዋዬ ጻልዕ
አስክ ሚዶል ላኪን እት ሐብዕ
እት እትበለዕ መሰለኒ ዐለ እበልዕ
ወእት እመሰል መሰለኒ ዐለ እጠርዕ

አፍ ጸቢብ ወኩብድ ረሓብ ክምለ ልትበህል
ለይእቅድሩ እግል ሚ እትሐመል
ወእንዴ እርኤ እግልሚ እትሀመል
ወእግልሚ ነብር እግል ይእትበህል
በህል ክም ለሐልፍ እንዴ አምር
እግል ሕርየት ብዕዳም እግልሚ ሕርየትቹ ሓርር
ወእብ ዐውልዬ እግል ብዕዳም አነብር ?
ምንከርተ እለ! ከራይ ዕሽር አድግ ለህልለ
ለእብ ላባም እት አምሳል ትበህለ
ዮም እብ ፍዕል ዲብዬ ለሐሰል ህለ
ምን ዮም ጠቢዐት እግል እቀይር ብስምለ

በህል ላባም

“ሚዛን ወድ አዳም ምን ልትወለድ አስክ መይት፡ እበ እትለ ዐለም ለለአፈርዩ ቱ ለልትቀየሱ። ማሕሙድ አልዓቃድ”

“ወቅት ካፊ አለብዬ ኢቲበል፡ ክሎም ለትዐወተው አንፋር ክእነ ክምሰሌከ 24 ሳዐት ሌጠ ዐለ እግሎም።” ጃክሶን ብራውን

“ በደል እብ ሐሰት አዳም ተአፈሬሕ፡ አማን እንዴ ተሃጌከ ምን ረብሾም ለሐይሱ።” ፓውሎ ኩሎ
“እት ቀደም ሓግል እብ ክሱሰ ርዝቅከ ኢትትሃጌ ወእት ቀደም ሕሙም እብ ዓፍየትከ ኢትትመከሕ።” ጋንዲ

“ለኖሰክ እግል ትዕቀቡ ለይቀደርክ ምስጢር፡ ብዕዳም እግል ልዕቀቡ እግልክ ኢትትጸበር።” አፕራ